

ZAPISNIK

o radu sa 26. Radne sjednice Skupštine Kantona Sarajevo, održane u utorak, 16.06.2020. godine sa početkom rada u 10,00 sati u sali „Doma mladih” Skenderija

Predsjedavajući Mirza Čelik (u daljem tekstu: Predsjedavajući) je pozdravio sve prisutne i otvorio 26. Radnu sjednicu Skupštine Kantona Sarajevo.

Na početku zasjedanja Skupštine Kantona Sarajevo intonira se Himna Bosne i Hercegovine..

Prema evidenciji Službe sjednici Skupštine prisustvuje 32 zastupnika, što je dovoljan broj za punovažan rad i odlučivanje.

Izostanak su opravdali Sabahudin Delalić, Bibija Kerla i Elmedin Konaković, a Vibor Handžić i Elvedin Okerić su najavili kašnjenje.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Samra Čosović-Hajdarević
4. Aljoša Čampara
5. Mirza Čelik
6. Mahir Dević
7. Amra Hasagić
8. Admela Hodžić
9. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Danijela Kristić
3. Amel Mekić
4. Arijana Memić
5. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak
3. Bilsena Šahman

DEMOKRATSKA FRONTA

1. Senad Hasanović
2. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković

0 -

Prijedlog dnevnog reda 26. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 01.06.2020.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 10.06.2020. godine, prihvatio je da se Prijedlog dnevnog reda 26. Radne sjednice, dopuni sa sljedećim tačkama:

1. Informacija o zaštiti zraka u Kantonu Sarajevo; (razmatraće se kao tačka 3.);
2. Prijedlog odluke o proglašenju 5.februara "Danom sjećanja na sve ubijene i ranjene građane Grada Sarajeva od agresora u periodu opsade 1992.-1995. godine"; (razmatraće se kao tačka 5.);
3. Prijedlog Odluke o davanju saglasnosti za potpisivanje ugovora o kupoprodaji nekretnina u skladu sa članom 23. Zakona o eksproprijaciji FBiH između Bajrić Alije sa jedne i Kanton Sarajevo koje zastupa Ministarstvo saobraćaja – Direkcija za puteve i Zavod za izgradnju Kantona Sarajevo sa druge strane u svrhu izgradnje saobraćajnice I transverzale, dionica Kranjčevićeva-Bare-Hotonj (razmatraće se kao tačka 12.);
4. Prijedlog Odluke o davanju saglasnosti za potpisivanje ugovora o kupoprodaji nekretnina između Kanton Sarajevo, Ministarstvo saobraćaja - Direkcija za puteve i Zavod za izgradnju Kantona Sarajevo kao kupca na jednoj strani i Bajrić Alije, Bajrić Senada i Čolaković Enise kao prodavaca na drugoj strani u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj (razmatraće se kao tačka 13.).

- 0 -

UTVRĐIVANJE DNEVNOG REDA SJEDNICE.

Prijedlog dnevnog reda 26. Radne sjednice:

1. Poslanička/zastupnička pitanja, inicijative i odgovori;
2. Informacija o realizaciji mjera za sanaciju i reorganizaciju KJKP „GRAS“ d.o.o. Sarajevo, za period 01.01. do 31.03.2020. godine;
3. Informacija o zaštiti zraka u Kantonu Sarajevo;
4. Prijedlog Zakona o izmjeni i dopunama Zakona o inspekcijama Kantona Sarajevo;
5. Prijedlog odluke o proglašenju 5.februara "Danom sjećanja na sve ubijene i ranjene građane Grada Sarajeva od agresora u periodu opsade 1992.-1995. godine";
6. Prijedlog Odluke o razrješenju dužnosti zamjenika pravobranioca Pravobranilaštva Kantona Sarajevo;
7. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za Projekat energetske efikasnosti u javnim zgradama Sarajevo;
8. Prijedlog Odluke o davanju saglasnosti za potpisivanje ugovora o zamjeni nekretnina u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj.(Slobodan Pantić);
9. Prijedlog Odluke o davanju saglasnosti za potpisivanje ugovora o zamjeni nekretnina u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj (Josip Lužaić);
10. Odluke o davanju saglasnosti za potpisivanje ugovora o kupoprodaji nekretnina u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj (Džemaili Narcis);
11. Prijedlog Odluke o davanju saglasnosti za potpisivanje ugovora o zamjeni nekretnina u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj (Veselka Bunjevac);
12. Prijedlog Odluke o davanju saglasnosti za potpisivanje ugovora o kupoprodaji nekretnina u skladu sa članom 23. Zakona o eksproprijaciji FBiH između Bajrić Alije sa jedne i Kanton Sarajevo koje zastupa Ministarstvo saobraćaja – Direkcija za puteve i Zavod za izgradnju Kantona Sarajevo sa druge strane u svrhu izgradnje saobraćajnice I transverzale, dionica Kranjčevićeva-Bare-Hotonj;
13. Prijedlog Odluke o davanju saglasnosti za potpisivanje ugovora o kupoprodaji nekretnina između Kanton Sarajevo, Ministarstvo saobraćaja - Direkcija za puteve i Zavod za izgradnju Kantona Sarajevo kao kupca na jednoj strani i Bajrić Alije, Bajrić Senada i Čolaković Enise kao prodavaca na drugoj strani u skladu sa članom 23. Zakona o eksproprijaciji FBiH u svrhu izgradnje saobraćajnice I transverzale, dionica Kranjčevićeva-Bare-Hotonj;
14. Prijedlog Odluke o davanju saglasnosti na nacrt ugovora o kupoprodaji u stambenom objektu "O-1", izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Samir Halilović);
15. Prijedlog Odluke o davanju saglasnosti na nacrt ugovora o kupoprodaji u stambeno – poslovnom objektu "O-2", izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Nazif Hasanović);
16. Prijedlog Odluke o davanju saglasnosti na nacrt ugovora o kupoprodaji u stambenom

objektu "3B", izgrađenom u naselju Rosulje, općina Vogošća, Sarajevo, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Ejub Čančar);

17. Prijedlog Odluke o davanju saglasnosti na nacrt ugovora o kupoprodaji u stambenom objektu 3C, izgrađenom u naselju Rosulje, općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Slavica Sejdić);
18. Prijedlog Odluke o davanju saglasnosti na Nacrt ugovora o kupoprodaji, za kupovinu:
 - građevinske parcele koja se nalazi u naselju Šip, općina Centar Sarajevo, označena kao k.č. 375/40 K.O. Koševo, s.p. površine 281 m², upisanoj u zk.ul.br. 12282, iste K.O., (što odgovara par.br. 650/20 K.O. Sarajevo VI, kat.stanje, upisanoj u PL/KKU 568 iste K.O.) i
 - građevinske parcele koja se nalazi u naselju Šip, općina Centar Sarajevo, označena kao k.č. 545/10 K.O. Koševo, s.p. površine 1.903 m², upisanoj u zk.ul.br. 12291, iste K.O., (što odgovara par.br. 650/8 K.O. Sarajevo VI, kat.stanje, upisanoj u PL/KKU 568 iste K.O.), koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe zaključiti sa Prodavcem – Bosna i Hercegovina, Federacija Bosne i Hercegovine, Kanton Sarajevo, Općina Centar, ulica Mis Irbina broj 1. ;
19. Izvještaj o radu Vlade Kantona Sarajevo za period od 01.01. do 31.12.2019. godine;
20. Izvještaj o izvršavanju Budžeta Kantona Sarajevo za period od 01.01. do 31.12.2019. godine;
21. Izvještaj o radu Pravobranilaštva Kantona Sarajevo za 2019. godinu;
22. Izvještaj o poslovanju KJKP „GRAS“ d.o.o. Sarajevo za 2018. godinu;
23. Izvještaj o radu i finansijskom poslovanju, na koji je prethodno dato mišljenje ovlaštenog revizora, Kantonalnog stambenog fonda Sarajevo za 2019. godinu;
24. Izvještaj o radu za 2019. godinu i Izvještaj o finansijskom poslovanju za period 01.01.-31.12.2019. godine Javne ustanove "Fond Memorijala Kantona Sarajevo";
25. Izvještaj o radu Kantonalne uprave za inspeksijske poslove Kantona Sarajevo za 2019. godinu;
26. Izvještaj o izvršenju sankcija u Kantonu Sarajevo za 2019. godinu;
27. Informacija o realizaciji Plana povratka u i iz Kantona Sarajevo za period 01.01.-31.12.2019. godine, sa osvrtom na problematiku obezbjeđenja alternativnog - privremenog smještaja i Plan povratka u i iz Kantona Sarajevo za 2020. godinu;

PREDSJEDAVALAČI JE POZVAO ZASTUPNIKE I ZASTUPNICE DA SE IZJASNE O PREDLOŽENOM DNEVNOM REDU. NAKON GLASANJA PUTEM VIBER GRUPE KONSTATOVANO JE DA JE SKUPŠTINA JEDNOGLASNO (30 „ZA“) USVOJILA DNEVNI RED ZA 26. RADNU SJEDNICU.

Kao informativni materijal zastupnicama i zastupnicima dostavljeno je sljedeće:

- Strategija upravljanja dugom Kantona Sarajevo 2020.-2022. godina;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec april 2020. godine;
- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar – mart 2020. godine;

- Informacija o nadzoru nad postupcima javnih nabavki u Kantonu Sarajevo;
- Izvještaj o provođenju Zakona o novčanim podsticajima u poljoprivredi na području Kantona Sarajevo za 2019. godinu.

- 0 -

a)

Prije realizaciju prve tačke dnevnog reda razmatran je Zapisnik sa stenogramom sa 7. Hitne sjednice Skupštine Kantona Sarajevo održane 10.04.2020. godine, koji je dostavljen uz poziv za sjednicu, i isti je usvojen jednoglasno sa 30 glasova "za".

b)

U nastavku, razmatran je Zapisnik sa stenogramom sa 8. Hitne sjednice Skupštine Kantona Sarajevo održane 21.04.2020. godine., koji je dostavljen uz poziv za sjednicu, i isti je usvojen jednoglasno sa 30 glasa "za".

Realizacija dnevnog reda počela je u 10,25.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnik Aljoša Čampara je podnio sljedeće (citiramo): „Ja ću imati jednu inicijativu i jedno zastupničko pitanje. Ova inicijativa ponukan sam ovim zadnjim dešavanjima. Ja želim stvarno da čestitam i premijeru, cijeloj Vladi, posebno resornom ministru Mesihoviću na jednoglasnom imenovanju dr. Farisa Gavrankapetanovića, na poziciju direktora Opće bolnice. Ismeta, pardon, braća su. Ja se nadam da je ovo jedan novi početak gdje politika neće ulaziti u stvari kao što je zdravstvo, kao što su obrazovanje. Pa je i moja inicijativa vezana i za policiju upravo na tome tragu. Ja ću ovu inicijativu predsjedavajući podijeliti svima, ne znam ima li potrebe da je sada svu pročitam radi stenograma. pa dakle evo, vrlo kratko radi se o uređenje javne sigurnosti u Kantonu Sarajevo zahtjeva neposrednu i dalekosežnu strukturalnu reformu. Miješanje politike u profesionalni rad policije je hronična slabost u BiH. Pa tako uključujući i stanje u Kantonu Sarajevo. Kanton Sarajevo se nosi sa kompleksnim izazovima u javnoj sigurnosti, u borbi protiv korupcije, organizovanog kriminala, te drugih oblika ozbiljnog kriminala koji negativno utiču na stvaranje sigurnog okruženja za građane kao i hiljade turista i posjetilaca. Reforma uređenja javne sigurnosti u Kantonu Sarajevo bi trebala predstavljati jedan od kamena temeljaca koji će omogućiti Kantonu Sarajevo napredovanje ka svojim zaslužnim, društvenim, ekonomskim potencijalima. Put napredovanja u ovoj reformi jeste uveliko proširenje nezavisnosti Uprave policije Kantona Sarajevo, kako bi se omogućilo profesionalnije, transparentnije i odgovornije djelovanje. Policija nezavisna od nepriličnih političkih upliva je obilježje modernih i demokratskih policijskih sistema. Uprava policije Kantona Sarajevo već posjeduje cijeli opseg operativnih, logističkih, administrativnih i finansijskih mehanizama za pružanje efikasne policijske usluge građanima. Nezavisnost policije također predstavlja važan preduslov za unapređenje odgovornosti i transparentnosti koji predstavljaju sastavne komponente dobre vladavine i vladavine Zakona u demokratskih sistemima. Dok građani pristaju na društveni ugovor sa demokratskom policijom i predaju joj monopol sile kako bi ona osigurala njihove građanske političke i ekonomske slobode, policija u demokratskom društvu ima obavezu biti odgovorna javnosti kojoj služi, stoga prepoznajući potrebu za neposrednim i dalekosežno strukturalnom reformom službe javne sigurnosti, shvatajući da nezavisnost policije u demokratskom sistemu otvara i produbljuje policijsku

profesionalnost i odgovornost, potvrđujući svoje zakletvom preuzeto opredjeljenje za djelovanje u najboljem interesu građana, odbrane javnog dobra i vladavine Zakona, predlažem da Skupština Kantona Sarajevo ovim nalaže Vladi Kantona Sarajevo da:

- Uspostavi ekspertnu radnu grupu pod vodstvom Komesara policije Kantona Sarajevo, da razvije novi Zakon o Upravi policije Kantona Sarajevo, kao i ažuriranu verziju Zakona o policijskim službenicima Kantona Sarajevo, te pozove predstavnike međunarodne zajednice da pomognu koliko je potrebno; ROK bi bio 90 dana
- Uspostavi ekspertnu radnu grupu pod vodstvom Ministra unutrašnjih poslova Kantona Sarajevo da razvije pravne i administrativne mjere neophodne za institucionalno repozicioniranje preostalih obaveza, te za gašenje pravnog karaktera Ministarstva unutrašnjih poslova Kantona Sarajevo, te pozove predstavnike međunarodne zajednice da pruže pomoć koliko je potrebno; ROK 90 dana
- Uspostavi ekspertnu radnu grupu pod vodstvom Premijera Kantona Sarajevo da isplanira pravni, finansijski i administrativni put za izgradnju novog, modernog i adekvatnog sjedišta za Upravu policije Kantona Sarajevo u cilju efikasnijeg pružanja policijskih usluga građanima; ROK 90 dana.

Imam samo još jedno pitanje za ministra kulture i sporta. Propisi javnog poziva su vrlo kruti, sudeći po tome mnoštvo aplikacija neće moći ostvariti pravo na sredstva koja se dodjeljuju? Koji je razlog te drastične promjene i kako će utjecati na kulturu i sport u Kantonu Sarajevo? Hvala.”

Zastupnik Igor Stojanović je podnio sljedeće (citiramo): „Prva inicijativa je u ime Kluba zastupnika SDP. Inicijativa se odnosi na donošenje zaključka I tražim da se Skupština o njoj izjasni. I glasi ovako zaključak:

Skupština Kantona Sarajevo zahtjeva da opštinska vijeća u Kantonu Sarajevo kao i skupštinska nadležna komisija izvrši promjenu naziva ulica i ustanova koje nose ime po ličnostima povezanim sa fašističkim režimom. Ovom inicijativom tražimo da se imena ulica i ustanova u skladu sa gore pomenutim, zamijene nazivima antifašista iz rata 41-45, i antifašista iz rata 92-95. obrazloženje:

proces preimenovanja sarajevskih ulica i ustanova traje dugo, i sa namjerom da se izvrši revizija historije o čemu se i pisalo mnogo. u ovom obrazloženju pobrojati ćemo imena ulica i ustanova koji su promijenile svoje nazive i iste dobile po ličnostima koje su podržavale ili bile u službi fašističkog režima.

Mustafa Busuladžić, intelektualac koji je podržavao nacističke stavove i progon sarajevskih Jevreja, dobio je dio nekadašnje ulice Fuada Midžića – narodnog heroja iz Drugog svjetskog rata koji je, nakon što je preživio logor Jasenovac, poginuo u posljednjim danima oslobođenja Sarajeva od ustaša i nacista. Fuad Midžić danas nema svoju ulicu u Sarajevu, a ulica na Brezi danas nosi imena Asima Ferhatovića i pet mladomuslimana – Busuladžića, Esada Karadžovića, Fikreta Ploče, Rušida Prgude i Asafa Serdarevića. Asaf Serdarević je bio jedan od osnivača organizacije “Mladi muslimani”. Priključio se jedinici Muhameda efendije Pandže. Uhapsili su ga i strijeljali partizani u Vitezu 1944. godine. Muhamed efendija Pandža godinama je predsjedavao Merhametom. Bio je jedini hodža u NDH povorci koja je u maju 1941. prošla kroz Sarajevo. Zagovarao je osnivanje SS Handžar divizije i bio glavni tvorac memoranduma Hitleru od 1. novembra 1942. Kasnije je promijenio svoje stavove pa se nakratko priključio partizanima. Nakon rata, Sud časti ga je kaznio na 10 godina zatvora. Ulice 7. septembra, Prvomajska i Partizanska danas nose ime Sulejmana Pačariza Hodže, pukovnika Hrvatskih oružanih snaga i „junaka iz Hrvatskog Sandžaka“. Svoje ulice u Sarajevu danas imaju i Husein Đozo, koji je bio imam 28. regimente Handžar divizije. Nakon rata osuđen je na pet godina zatvora i na gubitak građanskih prava. Osman efendija Rastoder, koji je bio optužen za masakre nad civilima, osuđen je i pogubljen kao ratni zločinac.

Također, postoje i dvije ličnosti koje su služile kao administrativci u NDH. Alija Nametak bio je direktor Hrvatskog državnog kazališta u Sarajevu za vrijeme NDH po kojem je ime dobila jedna od sarajevskih ulica, kao i škola. Enver Čolaković bio je NDH-ov ataše za kulturu u Mađarskoj, kao i Pavelićev blizak saradnik, također jedna od ulica se nazvala po njemu.

U namjeri da Sarajevo ostane visoko uzdignuta čela, na strani antifašizma, kao i da svi građani Kantona Sarajevo osjećaju svoje ulice slobodnim od fašista i da svi zajedno budemo ponosni na njihove, molim vas da podržite ovu inicijativu.

Imam također i pitanja ako imam vremena. Imam kratka tri pitanja. Vrlo kratka. Prvo je postavljam pitanje Vladi da li je Vlada Kantona Sarajevo utvrdila stanje i posljedice negativnog utjecaja na korona virus za sve aspekte života? Ako jeste, ko je kada i kako izvršio takvu analizu i kakvi su rezultati iste? To je jedno.

Drugo je za Ministarstvo zdravstva, isto kratko. Koji je obim izostanka pružaju redovnih zdravstvenih usluga, koje su kratkoročne i dugoročne posljedice izostanka takvih usluga građanima za vrijeme pandemije? I treće pitanje je i time završavam, pitanje za Ministarstvo privrede kada će Nacrt odluke o vodozaštitnim zonama za Sarajevsko polje doći u skupštinsku proceduru i dalje u obradu? Pitanje postavljam jer se navedeni Nacrt već više od dvije godine ne pomjera sa mrtve tačke a bespravna gradnja uzima sve više maha. Hvala.

Zastupnik Damir Marjanović je podnio sljedeće (citiramo): „Dana 22.10. 2019 održana je Tematska sjednica vezano za obrazovanje u Kantonu Sarajevo. Tamo je doneseno dosta zaključaka i preuzeto je dosta obaveza. Moje pitanje ide prema Ministarstvu obrazovanja u kojoj smo fazi realizacije tih zaključaka, od formiranja ekspertskega tijela do praćenja Kurikularne reforme, do izrade određene legislative itd. Također upućujem inicijativu, dostavit ću je u pisanom obliku. Neću tražiti glasanje. Upućujem inicijativu prema Ministarstvu obrazovanja, prema Vladi Kantona Sarajevo i Skupštini da jedna od uobičajenih tačaka za svako sljedeće zasjedanje Skupštine Kantona Sarajevo bude upravo praćenje realizacije zaključaka od 22.10.2019.godine. Ponavljam još jednom, pričali smo o reformi obrazovanja, svi smo digli ruke, svi smo podržali tadašnje zaključke, svi smo se na neki način složili da je to generacijski projekat, jedan od osnovnih prioriteta Kantona Sarajevo u narednom periodu, mislim da imamo i obavezu, ako ništa, barem da nas na svakoj sjedni Skupštine Kantona Sarajevo čujemo i imamo informaciju o tome gdje smo dospjeli sa tim, eventualno predložimo korekcije i usmjeravamo taj proces. Hvala velika.”

Zastupnica Jasna Duraković je podnijela sljedeće (citiramo): „Ja za danas imam dva kratka pitanja koja upućujem ministru za obrazovanje, nauku i mlade u Kantonu Sarajevo.

Prvo zastupničko pitanje sam već prosljedila službama tako da tražim pismeni odgovor. Nedavno je Senat UNSA donio odluku, u vidu zaključka kojim se odobravaju dodatni julski i septembarski rokovi za polaganje završnih ispita na svim fakultetima. Ono što je sporno ovdje jeste činjenica da ne može zaključak Senata UNSA derogirat ili staviti van snage odredbu Zakona o visokom obrazovanju u kojem su jasno propisani uvjet polaganja ispita i rokovi koji se odobravaju studentima, zato što je Zakon opšti pravni akt, više pravne snage od odluke ili zaključka Univerziteta. Dakle, novi rok može uvesti samo isti pravni organ putem izmjena i dopuna Zakona o visokom obrazovanju a nikako odlukom Senata UNSA. Ovakav zaključak zapravo daje osnov da inspektori sankcionišu ili kazne sve fakultete jer su odobrili ilegalni rok, dakle rokove koji nisu propisani Zakonom o visokom obrazovanju. U slučaju proglašenja vanrednog stanja, što kod nas nije bio slučaj, već je proglašeno stanje prirodne nesreće, ovakva odluka bi imala legitimno ili pravno uporište, opravdan kontekst vanrednog stanja koje podrazumijeva potpunu zabranu ili nemogućnost obavljanja redovnih poslova, to se tiče nastave naravno, nastavnog procesa, vannastavne aktivnosti, konsultacije, odbrane, ispit itd. Sve je to redovno obavljano putem online nastave. E da li to znači, ako je Senat UNSA odlučio staviti na snagu ovaj zaključak o dodatnim rokovima, da za isti ima validno pravno

uporište ili ne, jer se u obrazloženju istog ne navodi pravni osnov.

Zanima me da li postoji neki pravni osnov i ako on postoji da se isti navede i objasni zašto se ovo odobrava mimo zakonskih propisa. Moje drugo pitanje također usmjereno ministru Kriviću. Zato bih voljela usmeni odgovor. Da li je riješen problem oko upisa djece u prvi razred osnovne škole zbog nemogućnosti roditelja da dobiju pravovremeni termin u DZ Kantona Sarajevo. Da bi se obavio sistematski pregled. Da li ćete moći obaviti testiranje djece uz naknadno dostavljanje ljekarskog uvjerenja kako je to i ranije bilo predviđeno. Toliko zahvaljujem.”

Zastupnica Jasmina Bišćević-Tokić je podnijela sljedeće (citiramo): „Ja za danas imam jednu inicijativu i dva zastupnička pitanja. Inicijativu upućujem Skupštini Kantona Sarajevo da se na web stranici Skupštine Kantona Sarajevo otkloni diskriminacija u jeziku i da se ubuduće navode pojmovni u oba roda, odnosno da se koristi gender senzitivni jezik, a u skladu sa Zakonom o ravnopravnosti spolova u BiH.

Obrazloženje: Zakonom o ravnopravnosti spolova u Bosni i Hercegovini propisano je da diskriminacija u jeziku postoji kada se koristi isključivo jedan gramatički rod kao generički pojam. Na web stranici Skupštine Kantona Sarajevo se npr. navodi zastupnička pitanja po zastupniku a smatram da bi trebalo da stoji zastupnička pitanja po zastupniku/zastupnici. Postoji još niz nepravilnosti na web stranici koje Skupština Kantona Sarajevo treba otkloniti kako ne bi postojala diskriminacija u jeziku.

-Sljedeće zastupničko pitanje upućujem JU „Porodično savjetovalište Kantona Sarajevo”. Da li su formirali krizni štab i donijeli odluku o formiranju istog kao i odluku o postupanju za vrijeme pandemije COVID 19. Zahtijevam da mi dostavite navedene odluke ukoliko su donesene.

-Također drugo pitanje upućujem JU „Porodično savjetovalište”. Šta je Upravni odbor KJU Porodično savjetovalište Kantona Sarajevo uradio za vrijeme pandemije COVID 19. Da li je imao online sastanaka, koji su zaključci usvojenim. Zahtijevam da mi dostavite kopije zapisnika. Zahvaljujem.”

Zastupnica Admela Hodžić je podnijela sljedeće (citiramo): „Podnosim inicijativu Ministarstvu prostornog uređenja,građenja i zaštite okoliša da se u 2020. godini realizuje projekat: subvencioniranje rješavanja stambenog pitanja mladih u iznosu od 10.000,00 KM.

Obrazloženje: U 2017, 2018. i 2019. godini Vlada Kantona Sarajevo je donosila odluke o subvencioniranju rješavanja stambenog pitanja mladih kojim su definirani kriteriji za odabir aplikantata, a kako bi se izvršila isplata 10.000,00 KM kandidatima koji ispunjavaju propisane uvjete prema listi redoslijeda do osiguranog iznosa u budžetu KS. Mladi u KS su očekivali da i u 2020. godini Vlada KS subvencionira rješavanje stambenog pitanja mladih sa navedenim novčanim iznosom. Mladi ljudi KS, odlukom da se odustane od projekta za koji su se veoma dugo borili i izborili, a koji su kupili nekretninu u posljednjih godinu dana realno očekujući da će imati istu šansu i prava za subvenciju, su poraženi ovakvom odlukom ministra Kapidžića.

Skupština KS je u svojoj Strategija za mlade KS za period 2019.-2023. godina projekat prepoznala kao kvalitetnu mjeru usmjerenu ka podršci stambenog rješavanja mladih. Projekat je naveden kao primjer dobre prakse. Nije jasno kako je odjednom on postao primjer loše prakse. Odustajanjem od projekta, odstupa se od Strategije.

Odluka o odustajanju od projekta je proizvoljna i neutemeljena jer nije rezultat istraživanja i adekvatne evaluacije uspješnosti projekta. Donositi ovakvu odluku bez adekvatne analize dosadašnjih efekata projekta nije korektan način. Ako ministar Kapidžić smatra da postoje određene naznake o malverzacijama i zloupotrebama u dosadašnjoj realizaciji projekta, u tom slučaju je potrebno pokrenuti adekvatne sudske postupke protiv lica koja su učestvovala u takvim radnjama i dostaviti prijave tužilaštvu ukoliko postoje osnovi sumnje da je počinjeno krivično djelo.

Naglašavam da je projekat moguće realizovati i dodijeliti subvenciju sukladno dosadašnjim uvjetima, kako bi se osigurala puna transparentnost u postupku i na najmanju moguću mjeru svele zloupotrebe. Ističem da su i dosadašnji kriteriji bili usmjereni ka ostvarenju istog cilja.

Iznos od 10.000,00 KM je za mladu osobu – kupca nekretnine, iznos kojim ne može kupiti nekretninu, ali može renovirati kupljeni stan, učiniti ga useljivim te tako omogućiti da se osamostali i zasnuje svoju vlastitu porodicu u svom domu.

- Molim nadležne da se odmah raspiše javni poziv za subvencioniranje stambenog rješavanja mladih KS u iznosu od 10.000,00 KM. S obzirom na to da je do prethodne godine poziv bio ranije raspisan i otvoren tri mjeseca, te veliki broj mladih koji su dobili subvenciju prošle godine, za očekivat je da će se na ovogodišnji javni poziv prijaviti manji broj kandidata, rok za prijavu treba smanji na 30 dana. Također naglašavam da je u okviru narednog rebalansa budžeta za 2020. godinu, potrebno predvidjeti povećanje budžetske stavke za realizaciju ovog projekta u 2020. godini. Zahvaljujem.”

Zastupnik Zvonko Marić je podnio sljedeće (citiramo): „Dakle ja ću se prije svega osvrnuti na način davanja odgovora i zamoliti ministra da ubuduće ili direktora, kojima već postavljam pitanja da odgovore na pitanja koja im postavimo, a ne da nam šalju izjašnjenje osoba koje rade na koje se odnosi. Ja sam ukazao na korupcijsko ponašanje gospodina (nerazumljivo) međutim, ministar Jeličić, ministar privrede kada sam mu ukazao na sve to i dostavio dokumentaciju poslao mi je izjašnjenje gospodina Vatrića. Mislim ja znam da ministar Jeličić voli šalu i to je pozitivna stvar, međutim ne bih volio da mi odgovara čovjek koji je umiješan u korupcijsku aferu oko dodjele poticaja da mi se odgovori na ovo pitanje. I šta će poduzeti jer u suprotnom on će orati da preuzme odgovornost. Druga stvar, ovom prilikom bih uputio sve pohvale Vladi, premijeru, ministru Halebiću, ministru Alikadiću za hrabar potez, dugogodišnja agonija Muzeja je riješena na način da je Kanton Sarajevo pomogao finansiranje ove institucije. Međutim, hoću da pitam, može odgovoriti bilo ko od tri imenovana ministra, i premijer, šta će biti sa šest preostalih institucija koje su u istim problemima a znamo da nema sluha na državnom nivou vezano za ovu problematiku i sasvim sigurno dobili smo naklonost međunarodne zajednice i najmanje šest veleposlanika je uputilo pohvale za ovakav potez. Treća stvar danas se obilježava dan svih žrtava na dobrinjskoj barikadi na kojoj je ostalo preko 400 života naših građana i mislim da je ovo zgodan trenutak da se porazmisli o tome da se uvrsti u datum ili kalendar obilježavanja najznačajnijih datuma za Kanton Sarajevo jer naprosto preko 400 života nije mala stvar. I na koncu, zbog stenograma, sljedeću inicijativu:

-Molim Ministarstvo za obrazovanje, nauku i mlade Kantona Sarajevo, kao nosioca aktivnosti pripreme i Vladu Kantona Sarajevo kao donosioca da pristupe Izmjeni i dopuni Odluke o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva („Službene novine Kantona Sarajevo", broj: 24/17 i 19/19) da pristupe izmjeni tačke II stav (1) podtačka s) i t) u smislu da se navedene naknade smanje za 50%.

-Naime, svjedoci smo da je ovih dana aktuelan upis učenika u srednje škole ali i ostale nivoe obrazovanja. U postupku upisa učenika koji upisuju prvi razred srednjih škola na području Kantona Sarajevo, a koji su završili jedan ili više razreda ili cjelokupno obrazovanje u inostranstvu obavezni su da izvrše ekvivalenciju ili nostrifikaciju javnih isprava na način i prema postupku koji je definisan Pravilnikom o nostrifikaciji/ekvivalenciji inostranih svjedodžbi u osnovnoj i srednjoj školi („Službene novine Kantona Sarajevo", broj: 20/19).

Javnosti je poznata činjenica da veliki broj mladih građana odlazi u inostranstvo i da je u obrazovnom sistemu prisutan trend pada broja upisanih učenika. Ovako visokim cijenama usluga nostrifikacije/ekvivalencije isprava učenika koji su stekli dio ili cjelokupno obrazovanje u inostranstvu šaljemo lošu poruku. Koristim prigodu da napomenem da su naknade koje po istom osnovu naplaćuje Federalno ministarstvo za obrazovanje i nauku

znatno manje i ovom korekcijom Odluke te naknade bi usaglasili.

Evo ovdje imam neke inicijative građana koji se žale, Zlati Ljiljan, invalid, čije dijete mora visoku cijenu da plati da bi nostrificiralo. Nadam se da ste me razumjeli i da ćete uvažiti moju sugestiju. Hvala.”

Dopredsjedavajuća Smiljana Viteškić je podnijela sljedeće (citiramo): „Ja za današnju sjednicu imam tri inicijative. Prva ide prema Ministarstvu privrede Kantona Sarajevo a ona je da Ministarstvo privrede KS raspiše Javni poziv za finansiranje realizacije pojedinačnih projekata iz oblasti poljoprivrede na području Kantona Sarajevo.

Obrazloženje: Javni poziv se raspisuje u skladu sa Zakonom o novčanim podsticajima u poljoprivredi na području Kantona Šaraj evo. (SI. no vine KS broj 1/12 i 15/13.)

Javni poziv je dosada raspisivan, a ove godine očito kasni. Finansiranje pojedinačnih projekata iz oblasti poljoprivrede na području Kantona Sarajevo posebno je potrebno zbog posljedica pandemije Coronavirusom na poljoprivredni sektor.

Druga inicijativa ide prema Ministarstvu zdravstva Kantona Sarajevo, ZZO Kantona Sarajevo, i JU Dom zdravlja Kantona Sarajevo. A ona je da se u JU DZ KS obezbijedi prijem 7 (sedam) defektologa. JU DZ KS trenutno nema zaposlenih defektologa s obzirom daje jedinom defektologu istekao Ugovor na određeno vrijeme. Odlukom Skupštine Kantona Sarajevo o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja KS, iz decembra 2009.g.a na osnovu koje se vrši ugovaranje finansiranja Doma zdravlja utvrđeno je da jedan tim u Službi za fizikalnu medicinu i rehabilitaciju, između ostalih, čini i 0,4 defektolog A na 30 000 stanovnika. Na osnovu toga, u Pravilniku o radu i sistematizaciji radnih mjesta propisana je potreba za 7 defektologa. Ustanovi su potrebna dodatna finansijska sredstva za angažman navedenog kadra , jer nikad nije bio popunjavani. Kadar je potrebno angažovati na neodređeno vrijeme, poštujući sve aspekte struke i radnih poslova defektologa, koja u dosta slučajeva podrazumijeva dugotrajan kontakt i posvećenost pacijentu, a Ustanova mora pružiti stabilnost navedenih usluga.

I treća inicijativa da se poduzmu sve mjere u cilju prevencije bjesnila , prvenstveno popis i vakcinacija pasa koji su mogući prenosioci bjesnila. U posljednje vrijeme svjedoci smo vijesti da se kod životinja pojavila opasna bolest bjesnilo. Ako od ove bolesti obole ljudi, ishod je fatalan. Preventivne aktivnosti u BiH provode se u skladu sa legislativom (Pravilnik o mjerama za suzbijanje i iskorjenjivanje bjesnila kod životinja/ SI.glasnik BiH broj 74/19.).Pravilnik propisuje vakcinaciju svih pasa starijih od 3 mjeseca, a u određenim situacijama može se odrediti i vakcinacija drugih životinja koje obolijevaju i prenose bolest. Inicijativa je da se izvrši evidencija pasa - posebno pastirskih i lovačkih u rubnim područjima, koji su nevakcinisanih, te da se poduzmu sve mjere u suzbijanju ove opasne zaraze. Inspeksijske službe da obavljaju pojačan nadzor pasa koji lutaju i rješenja dostavljaju nadležnoj instituciji za vakcinisanje. Hvala.”

Zastupnica Amra Junuzović Kaljić je podnijela sljedeće (citiramo): „Predsjedavajući hvala lijepo ovim i demonstriram upravo bez ikakvog izvinjenja upravo demonstriram koliko je potrebno držati se zaštitnih mjera u okviru pandemije odnosno epidemije u Kantonu Sarajevo kao i šire. Ja imam ovdje nekoliko pitanja sa kojima se nadovezujem na prošlogodišnju inicijativu a to je pitanje Bašćaršije. Naime pitanja su upućena ka Ministarstvu prostornog uređenja, građenja i zaštite okoliša i Kantonalnom zavodu za zaštitu kulturno historijskog i prirodnog naslijeđa Kantona Sarajevo. Ne treba nikome pričati, mi to svi znano a znaju širom svijeta, da je Bašćaršija stara sarajevska čaršija, te historijsko i kulturno središte grada, izgrađena u 15. stoljeću, i nezaobilazno mjesto za sve stanovnike i posjetitelje glavnog grada BiH. Prepoznato je kao posebno vrijedan lokalitet od strane svih nivoa vlasti (Općine, Kantona, FBiH), zbog čega je 2014. godine proglašena nacionalnim spomenikom, te se nalazi

i na privremenoj listi UNESCO-vog svjetskog kulturnog naslijeđa. To je čini ne samo bitnim dijelom naše prošlosti, nego i bitnim dijelom sadašnjost i budućnost. U smislu zadržavanja onoga što Baščaršija jeste, želim reći sljedeće :svjedoci smo stalnih građevinskih i drugih radova na lokalitetu Baščaršije, koji bi mogli da naruše njen integritet, izgled i vrijednost, te ako znamo da je ista proglašena nacionalnim spomenikom, postavljam ustvari pitanja Ministarstvu prostornog uređenja, građenja i zaštite okoliša i Kantonalnom zavodu za zaštitu kulturno-historijskog i prirodnog naslijeđa sljedeće:

1. Da li su uključeni u proces odobravanja radova na prostoru Baščaršije?
2. Da li se ovi radovi kontrolišu putem inspekcije ili drugih organa? Ovo je također izuzetno pitanje zbog tih preklapanja nadležnosti praktički nad Baščaršijom, općinskih, kantonalnih, federalnih...
3. Ko vrši nadzor nad izvođenjem radova i kako pomenuti radovi utiču na našu kulturno - historijsku baštinu? Hvala vam lijepa.”

Dopredsjedavajuća Danijela Kristić je podnijela sljedeće (citiramo): „Ja imam jedno zastupničko pitanje i jednu inicijativu. Zastupničko pitanje ide prema Ministarstvu obrazovanja nauke i mladih i molim od ministra usmeni odgovor. Kakvi su planovi za predškolski odgoj i obrazovanje? Hoće li biti nastavljeno sufinansiranje djece u privatnim vrtićima za školsku 2020/21 godinu? Da li će se voditi računa kao ostane subvencioniranje da mališani ostanu u vrtićima gdje jesu kako se ponovo ne bi morali navikavati na novu sredinu? Da li će 450 djece koja u bila obuhvaćena ovim subvencioniranjem prošle godine moći opet aplicirati? Inicijativu podnosim uza Ministarstvo kulture i sporta Kantona Sarajevo. Ministarstvo kulture i sporta KS je u javnom pozivu propisalo obavezno numerisanje stranica projekta. Obzirom da je prijavljeno 408 aplikacija iz sporta i 382 iz oblast kulture te je veliki broj nenumerisanih stranica podnosim inicijativu da Ministarstvo kulture i sporta ove godine napravi izuzetak i u obzir uzme sve ispravne, a nenumerisane stranice kako bi sto sire i adekvatnije podržali projekte kulture i sporta. Izuzetak bi se odnosio samo na potpune i ispravne aplikacije.”

Zastupnica Azra Hasagić je podnijela sljedeće (citiramo): „Upućujem inicijativu Ministarstvu za obrazovanje, nauku i mlade da u okviru svojih nadležnosti izvrši prolongiranje roka za okončanje studija po pred-bolonjskom nastavnom planu i programu za jednu studijsku godinu za sve studente Univerziteta u Sarajevu.

Obrazloženje: Administrativna procedura, koja između ostalog uključuje intenzivnu komunikaciju na relaciji Fakultet- Grupacija - Univerzitet, obavezan zakonski period u kojem završene teze trebaju biti stavljene na uvid javnosti, te javnu odbranu, su dosta komplikovane i traže određeni protok vremena. U trenutnoj situaciji je malo vjerovatno da bi se navedena procedura mogla u cijelosti realizirati do predviđenog zakonskog roka (30.09.2020. godine)

Upućujem inicijativu Ministarstvu saobraćaja Kantona Sarajevo da u okviru svojih mogućnosti i nadležnosti preuzme ili inicijativu proslijedi Direkciji cesta FBiH i iznađe mogućnost da zaštiti građane naselja Uglješići, ul. Porodice Hasagić i Braće Planja, postavljanjem usporivača brzine ili video nadzora. Uz ovu inicijativu ću dostaviti i peticiju građana iz te ulice.

Imam dva pitanja. Jedno upućujem ministru Kenanu Alikadiću. Javni poziv je zatvoren ali nema rezultata koje ste najavili prije 15 dana. Obzirom da smo jedini Kanton koji je raspisao javni poziv zašto se nije startalo sa raspodjelom sredstava kada smo već krenuli u tu proceduru? I drugo pitanje za ministra Krivića. Objavljen je javni poziv Ministarstva za obrazovanje, nauku i mlade za finansiranje programa iz oblasti nauke za 2020 godinu. Čime se vodio savjet za nauku pri određivanju kriterija za voditelje projekta? Zahvaljujem.”

Zastupnik Samir Suljević je podnio sljedeće (citiramo): „Evo imam nekoliko zastupničkih

pitanja i tražim usmeni odgovor na njih. Prvo je premijeru i ministru obrazovanja. Nakon saznanja da je Vlada Kantona Sarajevo usvojila odluku o Planu upisa u prvi razred srednjih škola za školsku 20/21 godinu postavljam sljedeća zastupnička pitanja. Da li su pitanja odluke vezana za upis u prvi razred srednjih škola Kantona Sarajevo prekršene procedure i zašto nisu ispoštovane odredbe Zakona o srednjem obrazovanju, Zakona o vijeću zaposlenika i kolektivnom ugovoru za djelatnost srednjeg obrazovanja u Kantonu Sarajevo? Zašto sindikat, koji je još početkom maja tražio sastanak sa nadležnim Ministarstvom nije pozvan na sastanak oko postizanja sporazuma u vezi broja učenika za upis? Zašto je dopušten nejednak, odnosno diskriminirajući tretman osnovnog i srednjeg obrazovanja? Sljedeće je također Ministarstvu obrazovanja odnosno ministru, zbog čega Vlada Kantona Sarajevo ne dostavlja Skupštini na razmatranje Nacrt Zakona o visokom obrazovanju kada je programu rada Skupštine Kantona Sarajevo definisano da će se isti naći na dnevno redu u maju. Kako je prethodna Vlada već usvojila predmetni Zakon, da li znači da ne postoji kontinuitet rada Vlade? Koji su koraci poduzeti da se osigura okončanje pravne integracije UNSA? I zbog čega su reformski procesi u oblasti visokog obrazovanja i nauke koje započela prošla Vlada u cijelosti obustavljene dolaskom nove Vlade? Sljedeće pitanje premijeru Kantona Sarajevo. Po saznanjima upućena vam je inicijativa za unapređenje standarda građana i podršku ugostiteljsko turističkom sektoru Kantona Sarajevo vaučer za potrošnju u ugostiteljstvu od 20 KM za svakog građanina Kantona Sarajevo. Da li nam možete objasniti vaš stav po ovom pitanju? Ovo je jedan od načina da stimulišemo potrošnju. A da u isto vrijeme damo svojevrsnu nagradu građanima Kanton Sarajevo koji su zaista bili disciplinovani prilikom tokom pandemije. Pandemija je ostavila devastirajuće posljedice na našu ekonomiju, naročito na segmente kao što su ugostiteljstvo, turizam i uslužne djelatnosti kojima je u većini slučajeva bi zabranjen rad. Nakon što su ponovo počeli sa radom ugostiteljstvo pogotovo jeste, izvinjavam se malo magle naočale, radi sa cca 15 do 30% kapaciteta u odnosu na predkorona period. U Kantonu Sarajevo postoji preko 3000 ugostiteljskim objekata ko ji zapošljavaju cca 15 do 20.000 ljudi direktno, a indirektno i do 70.000. s druge strane građani Kantona Sarajevo su se ponašali krajnje ozbiljno pa smo izbjegli najcrnje scenarije i prizore koje smo gledali u Italiji. Ovo nije jedini način stimuliranja ekonomije ali jeste vrsta kratkoročne mjere. Ideja da svaki građanin Kantona Sarajevo uključujući i one najmanje dobije vaučer od 20 KM. Dobro ja ću ovaj ostatak dostaviti pismeno pa molim kada budem dao premijeru da pročita sve, usmeni odgovor. Hvala.”

Zastupnica Segmedina Srna Bajramović je podnijela sljedeće (citiramo): „Za početak imam zastupničku inicijativu. Naime, obaviještena sam aktom Ministarstva prostornog uređenja, građenja i zaštite okoliša Kantona Sarajevo od 29.05.2020. godine da su se povodom moje inicijative da se poduzmu sve aktivnosti na izradi i usvajanju provedbeno planske dokumentacije (regulacionog plana i dr.), vezano za izgradnju javne kanalizacione mreže u ulici Hendekuša, MZ Osijek, Opština Ilidža, a koju je potrebno hitno inicirati kod nadležne lokalne zajednice obraćali u periodu od 11.12.2019. godine do danas u 3 navrata Opštini Ilidža sa urgencijama i do danas odgovor opštine Ilidža nije stigao. Molim Upravni inspektorat Ministarstva pravde i uprave Kantona Sarajevo da izvrši inspeksijski nadzor zbog šutnje administracije Opštine Ilidža, i obavijest me o utvrđenom.

U vezi s prethodnom inicijativom a na osnovu člana 117 i 120 Poslovnika Skupštine Kantona Sarajevo predlažem da Skupština Kantona Sarajevo donese sljedeće zaključke:

1. Obavezuje se Opština Ilidža da hitno provede sve aktivnosti na izradi i usvajanju provedbeno planske dokumentacije (regulacionog plana i dr.) vezano za izgradnju javne kanalizacione mreže u ulici Hendekuša, MZ Osijek, Opština Ilidža.
2. Obavezuje se Opština Ilidža da do naredne radne sjednice obavijesti Skupštinu Kantona Sarajevo o poduzetom.

Obrazloženje u ulici Hendekuša MZ Osjek u 21 vijeku još uvijek ne postoji kanalizaciona mreža. Zbog njenog nepostojanja na ovom lokalitetu prikupljane fekalija iz domaćinstava se vrši u individualnim improviziranim septičkim jamama. Na 16. radnoj sjednici Skupštine Kantona Sarajevo uputila sam inicijativu Vladi Kantona Sarajevo, Ministarstvu komunalne privrede, Ministarstvu prostornog uređenja, građenja i zaštite okoliša, kao i KJKP VIK da se poduzmu sve aktivnosti na izradi i usvajanju provedbeno planske dokumentacije vezano za izgradnju javne kanalizacione mreže u ulici Hendekuša a ko ju je potrebno hitno inicirati kod nadležne lokalne zajednice. Svi gore pomenuti javni organi i preduzeća su pozitivno odgovorili na inicijativu osim opštine Ilidža. Smatram skratit ću obrazloženje, smatram da je potrebno da Skupština Kantona Sarajevo reaguje kako bi se stanovnicima ulice Hendekuša obezbijedili uslovi života dostojni 21 vijeka i molim zastupnice i zastupnike da se izjasne o predloženim zaključcima.

- I još zastupničko pitanje. Na zahtjev roditelja sam u septembru 019 predala inicijativu za izmjene Zakona o srednjem obrazovanju i ponovno uvođenje paralelnog pohađanja dvije srednje škole u Kantonu Sarajevo od kojih je jedna Srednja muzička škola. Aktuelnim zakonom o srednjem obrazovanju onemogućeno je da se u umjetničkim školama za muzičku i baletnu umjetnost a u Kantonu Sarajevo i jedinom takvom školu redovno obrazuj učenici koji pohađaju u neku drugu srednju školu, što je bila praksa od kada egzistira srednja muzička škola. Usvajanjem predloženih izmjena ukidamo diskriminaciju te osiguravamo prava svakog učenika na srednje obrazovanje u skladu sa njegovim sposobnostima koja su u ovakvim slučajevima iznad prosječnih interesovanja i mogućnosti. Vjerujući kako se radi o temi za koju ne treba intervencija, ipak sam razgovarala i s premijerom a nakon urgencije upućene Kolegiju Skupštine Kantona Sarajevo u namjeri da pojasnim da se ne radi o kompleksnoj materiji i da je rješenje već u cijelosti ponuđene kroz pripremljene izmjene Zakona koje sam također dostavila nadležnom Ministarstvu u septembru 2019 godine. Smatram neprihvatljivim, završavam, da imamo problem za koji je Zakon gotovo i radi se doslovno o dva člana. Treba nam skoro godina dana da ga stavimo na dnevni red. Šta očekivati kod ozbiljnih problema i kompleksnijih Zakona. Molim usmeni odgovor. I ministra i premijera i neka se jasno kaže ima li volje u Vladi Kantona Sarajevo da se ovo riješi jer djeca i njihovi roditelji imaju pravo znati kakav je odluka Vlade po ovom pitanju za narednu školsku godinu. Zahvaljujem i izvinjavam se zbog prekoračenog vremena.”

Zastupnica Bilsena Šahman je podnijela sljedeće (citiramo): „Danas imam tri inicijative. Moja prva inicijativa je nešto što je većina kolega iz ovoga i ranijeg sastava podržalo je rad Udruženja porodica djece i osoba s poteškoćama u razvoju „Dajte nam šansu”. Moja inicijativa je da se Udruženje „Dajte nam šansu” uvrsti na budžetsku poziciju Ministarstva za rad i socijalnu politiku, raseljena lica i izbjeglice Kantona Sarajevo na poziciji tekućih grantova za podršku rada neprofitnim organizacijama u iznosu od 300.000 KM kako bi se održao i podržao rad servisnih centara udruženja koja su od velikog značaja za Kanton Sarajevo. Time preko 680 korisnika ne bi ostalo bez usluga koje su im neophodne a kojem udruženje „Dajte nam šansu pruža”. Udruženje porodica i osoba s poteškoćama u razvoju postoji od 2011 godine, bavi se pružanjem podrške porodicama djece i osoba s poteškoćama u razvoju, bez obzira na dijagnozu, stepen invaliditeta i uzrast. Ovo Udruženje daje socijalno medicinske usluge, kratki boravak, cjelodnevni boravak, psihološka podrška za sve članove porodice, mobilni tim, usluge prevoza roditelja i djece. Od 2015 godine udruženje je s JU Kantonalni centar za socijalni rad potpisalo sporazum za 150 porodica. USAID je zvanično dao podršku ka preuzimanju finansiranja Udruženja „Dajte nam šansu odnosno servis centara od strane Kantonalne Vlade, s tim da USAID i dalje čini znatne napore i podržava rad udruženja. Svjesna sam da ima još udruženja kojima treba pomoć, koji se bave edukacijom, za njih je Ministarstvo obrazovanja raspisalo javni poziv, isto će učiniti i Ministarstvo za rad i socijalnu pokliku, pa molim kolege da se danas izjasne o ovome. Ja sam podijelila, stručna

služba je podijelila primjerke svima.

- Druga inicijativa je da se pravno zaštiti u procesu zapošljavanja u javnom sektoru u Kantonu Sarajevo. Poznato je da je propisano pravo prvenstva kod zapošljavanja pod jednakim uslovima boračke populacije i članova njihovih porodica, kao i članova porodica šehida i poginulih boraca. Međutim, u praksi to na žalost nije tako, puno je žalbi da se taj prioritet ne poštuje i da se krši zakon. Ovim putem zahtijevam od Ministarstva za boračka pitanja KS i Ministarstva pravde i uprave KS, da dostave izvještaj o evidentiranim kršenjima ovog prava i poduzetim mjerama da se navedeno otkloni, i omogućiti ovoj kategoriji građana Kantona da realizuju svoje zakonsko pravo.

- Ovih dana zastupnici u Skupštini KS, ministri u Vladi KS, političke partije i mnogi drugi dobivaju zahtjeve za podršku Sindikatima u javnom sektoru za potpisivanje novih kolektivnih ugovora, čime bi se povećala njihova primanja i druga prava iz rada i po osnovu rada. Tražim od Ministarstva za rad, socijalnu politiku, raseljena lica i izbjeglice KS i od Vlade KS, da mi dostave informacije koliko je registrovanih sindikata u Kantonu, koliko je reprezentativnih i koji od njih traže potpisivanje novih sporazuma i povećanje svojih plata i drugih prava? Vlada KS treba obustaviti potpisivanje svih kolektivnih ugovora koji predviđaju fiskalne troškove, sve dok o tome Skupština KS ne zauzme konačan stav. Zahvaljujem.”

Zastupnik Hamed Aljović: „Selamim i pozdravljam sve prisutne, imam danas tri zastupnička pitanja. Moje prvo pitanje upućeno je prema Ministarstvu finansija Kantona Sarajevo. Molim Ministarstvo finansija Kantona Sarajevo da mi dostavi spisak uposlenih u Vladi Kantona Sarajevo i svim ministarstvima, imenom i prezimenom koji su angažovani ugovorom o djelu u 2019 godini, te koliki je iznos novca koji je utrošen za plaće i doprinose pomenutih uposlenicima?

- Moje drugo pitanje upućeno je prema ministru za boračka pitanja Kantona Sarajevo i molio bih usmeni odgovor, naravno ako može sada. Molim ministra za boračka pitanja Kantona Sarajevo dokle se došlo sa realizacijom nedavno usvojenog Zakona o izmjenama i dopunama Zakona o dopunskim pravima boraca-branitelja BiH, u pogledu ostvarivanja prava na novčanu egzistencijalnu naknadu.”**Obrazloženje:** Postavljam ovo pitanje jer me interesira ostvarivanje prava na novčanu egzistencijalnu naknadu branitelja mlađih od 57.godina u Kantonu Sarajevo i dokle se došlo sa procedurom ostvarivanja ovog prava. Kada će prvi nezaposleni branitelji koji ispunjavaju zakonske uvjete doći do svoje dugo čekane naknade?

I treće pitanje prema Ministarstvu privrede Kantona Sarajevo. Molim Ministarstvo privrede Kantona Sarajevo da odgovori zašto do danas nisu isplaćeni novčani podsticaji u poljoprivredi iz budžeta Kantona Sarajevo? Zahvaljujem.”

Zastupnik Vedran Jakupović je podnio sljedeće (citiramo): „Na početku bih odao priznanje kolegi predsjedavajućem Mirzi Čeliku na izvanredno vođenim online sjednicama u teškim uslovima. Mislim da je sve funkcionisalo kako treba. Imam nekoliko inicijativa i pitanja.

Prva inicijativa evo ponovit ću i na tragu mog pitanja s prošle sjednice, kolegica Admela Hodžić je isprečno podnijela inicijativu. Iskreno drago mi je da je stav i opozicije i SDA u ovom slučaju da se od strane Ministarstva prostornog uređenja, građenja i zaštite okoliša treba vratiti budžetska stavka za subvencioniranje rješavanja stambenog pitanja mladih. Ne bih dalje obrazlagao. Čak sam htio da se Skupština očituje po ovome, al SDA je izgleda za, tako da drago mi je čuti nadam se da će ovaj iznos biti vraćen mladima.

Druga inicijativa, pomenuo je kolega Zvonko Marić, ja bih uputio inicijativu prema Ministarstvu kulture i sporta i Ministarstvu obrazovanja za prvenstveno hitno vraćanje i povećanje iznosa za institucije iz oblasti kulture sa državnog nivoa. Ministarstvo kulture je nešto pokušavalo riješiti ali ja bih htio da se konačno ovo riješi, posebno kada su plaće uposlenih u pitanju. Riječ je o Historijskom muzeju BH, Umjetničkoj galeriji BIH, Muzeju književnosti i pozorišne umjesto BiH, Kinoteci BIH, Biblioteci za slijepa i slabovidna lica

BIH, i Nacionalnoj univerzitetskoj biblioteci BIH. Da se napravi analiza troškova plata, obzirom da ovi ljudi koji žive i rade u Sarajevu nemaju platu već mjesecima, i ta plata je mizerna. Da se napravi analiza troškova po platnim razrednima. Dakle ako imaju Muzej Sarajeva, da identičnu platu ima i direktor U zemaljskog muzeja u Sarajevu. Biblioteka prema biblioteci i da se sistematizacija napravi po istom šablonu. Ljudi krajnje je vrijeme da pomognemo ovim institucijama zato što država očigledno neće. Ja ću samo reći jedan apsurd da u Međunarodnoj asocijaciji za biblioteke za slijepa i slabovidna lica BIH predstavlja Biblioteke iz RS-a. Što i je sramotno jer Biblioteka za slijepa slabovidna lica BIH nema nova da plati članarinu. Treća inicijativa Ministarstvu privrede da se omogući proširenja kapaciteta ljetnih bašti uz ugostiteljske objekata u Kantonu Sarajevo. broj jedan zbog epidemioloških uslova, držanje distance, i broj dva zbog ekonomskih uslova povećanja kapaciteta ugostiteljskih objekata u Kantonu Sarajevo.

Dva pitanja. Da mi se dostavi javno objave svi ugovori o djelu koje su Vlada, Skupština, javne ustanove javna preduzeća, sklopili u periodu od 03.03.2020. do danas. Izgleda da je ova Vlada šampion u ugovaranju privremenih i povremenih poslova uz istovremeno smanjenje sistemskih obaveza iz budžeta. I još jedno pitanje ka Ministarstvu obrazovanja, nauke i mladih, zašto se ne omogući testiranje prvačića prije obaveznog ljekarskog pregleda. Ja sam ovo na Kolegiju pomenuo, samo tehnički da se zbog specifične situacije u zdravstvu stvaraju redovi, stvaraju gužve, djeca koja trebaju da upišu prve razrede imaju termine za august, septembar, da se olakša upis. Da se urade prvo pedagoška testiranja pa onda i ljekarski pregled. Hvala.”

Zastupnik Damir Nikšić je podnio sljedeće (citiramo): „Prvo, Tražim od Premijera Vlade i Ministra kulture i sporta da građanima Kantona Sarajevo razjasne postojanje "rupe" u imenovanju i djelovanju Upravnog i Nadzornog odbora Zavoda za zaštitu kulturno-historijskog i prirodnog naslijeđa Sarajevo u periodu od 2016-2020. godine kada je istovremeno zabilježena i velika graditeljska aktivnost na Ilidži na prostoru arheoloških nalazišta, kao i prisustvo arsena u Željeznici.

Obrazloženje: Na javnoj sjednici Kolegija SKS, 10.06.2020. premijer Nenadić je kao pravnik izjavio da je, sada navodim, "činjenica da iz nekog razloga nije pokriven period od 2016-2020. godine" u Zavodu za zaštitu kulturno-historijskog i prirodnog naslijeđa Sarajevo. U svom Saopćenju za javnost, koje su svi skupštinski zastupnici dobili jučer posredstvom skupštinskog email-a i koje je objavljeno na službenoj stranici Zavoda, aktuelni direktor ove kantonalne institucije, g. Nervin Dacić, koji je imenovan 16.05.2018.godine u tom saopštenju jasno napominje da, citiram: "od 05.10. 2018. ovaj Zavod nije imao imenovan UO i da je Ministarstvo kulture i sporta, na naš zahtjev da se razriješi situacija nepostojanja UO, 14.01.2019. godine donijelo Rješenje kojim je ovlastilo osobu koja potpisivati naloge za plaćanje i druge akte iz nadležnosti UO za JU Kantonalni zavod za zaštitu kulturno historijskog i prirodnog naslijeđa. To Rješenje je bilo na snazi do donošenja Rješenja o imenovanju novog VD Upravnog odbora." No još više je zabrinjavajuće to što je direktor g. Nervin Dacić u svom saopštenju za javnost potvrdio postojanje "rupe" u imenovanju i djelovanju Nadzornog odbora u ovoj instituciji riječima: "Nadzorni odbor nisam zatekao prilikom preuzimanja funkcije direktora Zavoda. To je 16.maj 2018, tako da isti nije ni zasjedao do imenovanja novog v.d. Nadzornog odbora 28.05.2020.godine" kada su zvanično razriješeni vršioци dužnosti Nadzornog odbora na čelu sa predsjedavajućim Sulejmanom Haljevcem čija je dužnost istekla u jesen 2016. Dakle direktor, svjedoči da Nadzorni odbor nije postojao prije njegovog imenovanja, da ga nije zatekao, kao i to da Nadzorni odbor nije zasjedao do maja tekuće godine. Da li aktuelni premijer Vlade, g. Mario Nenadić, aktuelni Ministar kulture i sporta, g. Kenan Alikadić, ili bilo ko iz SBB-a koji je vodio Ministarstvo kulture i sporta u navedenom periodu mogu objasniti građanima kako i zašto je došlo do ovako ozbiljnog propusta? Želim usmeni odgovor s ove govornice.

I imam još jedno pitanje, a to je: Kako je moguće da je u JU "Djeca Sarajeva" imenovan novi Upravni odbor bez zasjedanja Vijeća roditelja i bez izabranih predstavnika Vijeća roditelja u Upravnom odboru ove ustanove? Da li je istina da se radi o namještanju odanih stranačkih kadrova SBB-a, kako to insinuiraju mediji?

OBRAZLOŽENJE:

1. Vijeće uposlenika nije zasjedalo i nije izabralo svog predstavnika u Upravnom odboru.
2. U ime roditelja u Upravnom odboru bi trebala biti dva predstavnika Vijeća roditelja. Trenutno se za jednu predstavnicu Vijeća roditelja uopšte ne zna kako je tamo završila. Niko je nije izabrao i nije članica Vijeća roditelja. I ovo bih volio usmeni odgovor od nekoga od ministra Krivića s ove govornice ili bilo koga iz SBB-a. Hvala."

Zastupnik Senad Hasanović je podnio sljedeće (citiramo): „Za ovu sjednicu imam dva pitanja upućena Ministarstvu zdravstva Kantona Sarajevo. Prvo pitanje glasi: Da li zdravstvene ustanove Kantona Sarajevo raspolažu dovoljnim količinama antirabičnog seruma i vakcina protiv bjesnila? Obrazloženje: Imajući u vidu da se radi izuzetno opasnoj bolesti od koje mogu oboljeti i ljudi, te daje krajem prošlog mjeseca dijagnosticirano bjesnilo kod lesa lovačkog psa na području Općine Srebrenica, a da je posljednja distribucija vakcina protiv silvastičnog bjesnila kod lisica prema dostupnim podacima napravljena 2018 god., cijenim da zdravstvene institucije Kantona Sarajevo moraju biti spremne na moguće slučajeve ugriza kod ljudi sa rizikom infekcije bjesnilom.

- Drugo pitanje: Kada će Klinički centar Univerziteta u Sarajevu početi pružati dijagnostičke usluge pacijentima u punom obimu kao što je bila praksa prije izbijanja epidemije virusa COVID 19.

Obrazloženje: Mnogobrojni pacijenti koji imaju hronična oboljenja, bili su naručeni ili tek treba da budu naručeni za različite dijagnostičke preglede, tvrde da u najvećem broju slučajeva nisu primljeni na pregled, termini se ne izdaju ili im se plasiraju informacije da narudžbe vrše putem telefona, faxes ili e maila. Nerijetko pacijenti ne dobiju povratnu informaciju, na telefone se niko ne javlja ili u koliko uspostave vezu dobiju informaciju da se usluge pružaju samo ležećim pacijentima, hitnim slučajevima, da se čekaju instrukcije Civilne zaštite i slično. Molim pisane odgovore na postavljena pitanja. Hvala."

Zastupnik Elvedin Okerić je podnio sljedeće (citiramo): „Imam nekoliko pitanja koja se odnose na Ministarstvo privrede. Tri pitanja koja ćemo pročitati tražim da se pismeno izjasni ministar privrede. A ostala dva usmeno. Pismeno izjašnjenje tražim na pitanja sljedeća:

1. Da li je KJP Veterinarska stanica d.o.o. Sarajevo imala svog predstavnika u Štabu CZ Kantona Sarajevo?
2. Koliko novca je Ministarstvo privrede Kantona Sarajevo doznačilo Veterinarskoj stanici d.o.o. Sarajevo s obzirom na značaj i doprinos koji su dali u okviru borbe sa pandemijom COVID -19?
3. Tražim da mi se pismeno dostavi informacija o načinu sazivanja Skupštine društva KJP Veterinarska stanica d.o.o. Sarajevo. Da li je bio neko ovlašten da to uradi? Ako jeste o kome se radi, da li su pored imenovanja tri punomoćnika odredili ko će biti predsjedavajući?
Ova tri pitanja je potrebno pismeno odgovoriti. A ova dva usmeno:
4. Da li su resorno Ministarstvo privrede ili Ministar upoznati sa zloupotrebama službenog položaja od strane pojedinih uposlenika KJP Veterinarska stanica d.o.o. Sarajevo, a koji su opunomoćeni za vršenje ovlaštenja u Skupštini KJP Veterinarska stanica. Ako jesu šta je poduzeto po tom pitanju?
5. Da li ministar odnosno Vlada Kantona Sarajevo vrši svoja ovlaštenja u pravnim licima

u kojima Kanton ima udio na osnovu Zakona iz 2001 godine ili ne, Zakon o upravljanju u privrednim društvima u nadležnosti Kantona Sarajevo. Hvala.”

Zastupnica Vildana Bešlija je podnijela sljedeće (citiramo): „Ja imam par inicijativa koje ću ovdje usmeno pročitati. Za jednu ću tražiti izjašnjenje Skupštine za još jednu ću tražiti usmeni odgovor premijera. Prvo, inicijativa, pitanje u kojoj fazi U kojoj fazi je realizacija usvojene inicijative za preuređenje prostora kod Kampusa Univerziteta u Sarajevu i pretvaranje istog u parkovsku površinu pod imenom „Studentski park - Goran Čengić“?

Zatim, sljedeća inicijativa je za izmjenu Uredbe o organizaciji i načinu naplate parkiranja u Kantonu Sarajevo. Jer ako to ne uradimo i na osnovu odgovora koji sam dobila od inspekcije i dalje ćemo imati problem sa nadzorom privatnih parkinga tako da se radi o izmjeni tehničke prirode i dobit ćete svi inicijativu koju možete pročitati. Također bi postavila pitanje evo premijeru, odnosno Vladi i ministru Kapidžiću zbog čega se kasni sa realizacijom veoma vrijednog projekta. Imamo u najavi povlačenje tačke vezano za projekat koji je vrijedan 8 miliona eura i 2 miliona eura grant sredstava. Radi se o utpoljavanju javnih objekata. Tačnije 40 javnih objekata koji bi rezultirali znatnim uštedama budžetskih sredstava. Dobrano se već kasni sa realizacijom jer je ovaj projekat rađen tokom cijele prošle godine i već davno se trebalo početi. Mislim da već kasnimo i sa građevinskom sezonom. Molim usmeni odgovor. Također me interesuje da li je izvršena obavezna deratizacija, proljetna faza sistemska deratizacija na području Kantona Sarajevo koja je propisana programom mjera obavezne preventivne sistemske deratizacije za period 2020-2022 a koja je predviđena da se vrši u periodu od 01.04. do 30.05. koje su aktivnosti poduzete u svrhu realizacije džender akcionog plana Kantona Sarajevo za period 2019 do 2022 do sada. I ostale inicijative ću dostaviti u pisanoj formi. Zahvaljujem.”

Zastupnica Samra Čosović Hajdarević je podnijela sljedeće (citiramo): „Ja imam jednu inicijativu i nekoliko pitanja. Za pitanja molim da se izjasne premijer i ministri usmeno, ako može. Ovako: Pokrećem inicijativu prema Vladi Kantona Sarajevo da zaduži Ministarstvo obrazovanja, nauke I mladih KS i Ministarstvo finansija, da u skladu sa svojim nadležnostima i mogućnostima pronađu finansijska sredstva kako bi se izvršila refundacija novca studentima čiji je boravak u studentskim domovima bio onemogućen u periodu trajanja pandemije, a koji su redovno izmirili svoje finansijske obaveze.

Pitanja upućujem ministru finansija Halebiću, obzirom da se posljednjih dana pojavilo dosta različitih informacija u vezi sa sredstvima koja se od MMF-a trebaju prebaciti kantonima kao krajnjim korisnicima, molim vas da nam pojasnite koja su posljednja saznanja sa tim u vezi?

Imam pitanja ministru Kapidžiću s obzirom da sam predsjednica komisije za mlade i da smo imali sjednicu na kojoj smo tretirali pitanje trenutnog prekidanja i zaustavljanja subvencioniranja mladih da nam pojasni šta se desilo sa tim projektom i kada se nastavlja dalje.

Molim premijera da mi odgovori na pitanje ko i kada je pravio Facebook stranicu Vlade Kantona Sarajevo u periodu od kada je napravljena pa do danas? Kako se finansira ta stranica i ko je sponzorise i ko je vodi danas? Hvala.”

Dopredsjedavajući Vibor Handžić je podnio sljedeće (citiramo): „Imam nekoliko pitanja i inicijativa pa požurit ću da stignem. Imam dva pitanja i inicijative za KUIP. Tražim pismeni odgovor.

- Prvo da li mi možete dostavi informaciju o radu Inspekcije mi dostavite informaciju o radu inspekcije u smislu kontrole rada ugostiteljskih objekata I drugih služnih subjekata u periodu od kada je ukinuto stanje prirodne nesreće a ostale su određene naredbe odnosno upute

epidemiološke u smislu poštivanja određenih pravila. Ukoliko nije problem da mi date informaciju koliko inspeksijskih nadzora je urađeno, koji su subjekti itd.

- Drugo pitanje ukoliko postoji, tražim informaciju i podatke o izrečenim kaznama i prekršajima prema JU "Apoteke Sarajevo" od strane Kantonalne uprave za inspeksijske poslove od perioda imenovanja novom menadžmenta do danas da mi dostavite, ukoliko postoji naglašavam, koje su kazne, koliko ih je izrečeno, iznosi kazni, i kako za pravno lice tako i za odgovorno lice u pravnom licu, i zanima me generalno ko snosi sankcije kada dođu kazne za odgovorno lice u pravnom licu? Da li ono personalno ili ustanova?

- Dalje, za ministra Krivića kolegica Hasagić je poslala sličnu inicijativu. Neću je ponavljati ali ja bih volio da ministar Krivić da usmeni odgovor na ovo moje pitanje vezano za rješavanje statusa studenata predbolonjskog sistema koji po Zakonu o visokom obrazovanju imaju rok do 30.09.2020 godine da završe sa studijama. Jasno je iz inicijative kolegice Hasagić najviše se radi o studentima grupacije medicinskih fakulteta. Da li je, koja je ministrova namjera i plan u rješavanju ovog problema. Pitam s obzirom da je nacrt Zakona o visokom obrazovanju trebao programu rada biti na Skupštini u maju mjesecu, pa nije, da li će se rješavati kroz taj Zakon i šta on ustvari ima namjeru vezano za ovu grupaciju studenata. Dakle usmeni odgovor.

Ovo je pismeno. Ima još Zakona iz resora obrazovanja koji su bili planirani u maju, Obrazovanje odraslih,, Dualno obrazovanje, naučno istraživačka djelatnost, Studentsko organizovanje koje nisu još uvijek došli na Skupštinu. A kada će šta je plan po tom pitanju, to može i pismeno. Za ministra privrede, ja ne znam da li je gospodin Jeličić prisutan s obzirom da znam da je bio bolestan. . Volio bih ovo dakle usmeno da znam. Javni poziv za subvencioniranje neto plata za mart mjesec interesuje me da li Da li su, objavljeni javno objavljeni subjekti ko ji su dobili sredstava? I koji su to iznosi? Da li su subjekti koji nisu zadovoljili uslove Javnog poziva dobili obavještenje o tome da nisu zadovoljili uslove konkursa I zašto nisu da li su na osnovu toga imali neki rok žalbe ili da dopune podatke itd?

E ono što me posebno zanima ovo mi je jako važno isto iz Ministarstva privrede, ovdje tražim i usmeni i pismeni odgovor, raspisani Javni poziv za pomoć turističkim agencija, odnos vezano za taj javni poziv, izdvojeni, vezano za turističku djelatnost. Dvije mi stvari iz javnog poziva nisu jasne koje su izuzetno diskriminatore:

Zašto se za kao incoming turističke agencije tražio kao uslov licenca za rad kada po Zakonu o turizmu kantonalnom član 24 i član 25 samo otugoining turističke agencije moraju da obezbijede licencu za svoje djelovanje. Dakle to nije zakonska obaveza incoming turističkih agencija.

- Druga stvar, zašto u Javnom pozivu za incoming turističke agencije uslov za dodjelu sredstava bilo da donesu dokaz iz hotelskih smještaja o prijava noćenja turista kada se zna da sve incoming turističke agencije ne rade isključivo hotelsko smještanje gostiju i da svi turisti koji dolaze u Sarajevo obavezno ne noće u ovom gradu nego se zadržavaju par sati. Ja znam lično nekoliko turističkih agencija koje su stotine hiljada maraka donijele u kantonalni budžet direktno preo posjeta tunelu, odnosno koje su išle direktno u budžet Fonda Memorijala. Molim vas usmeni odgovor na ovo pitanje.

I podnosim inicijativu su skladu s ovim za dopunu javnog poziva ovog kako bi se ove neregularnosti odnosno ova diskriminacija ispravila. Zahvaljujem. Ostalo ću dostaviti pismeno.”

Zastupnik Amel Mekić je podnio sljedeće (citiramo): „Pitanje za ministra gospodina Krivića. Znamo da je 10.05.2016.godine potpisan ugovor sa Kraljevinom Saudijskom Arabijom za finansiranje izgradnje Univerzitetske biblioteke i čitaonice. Tom prilikom je donirano 22 miliona dolara. Pa postavljam pitanje zbog čega nije realizirana izgradnja iste i gdje su novci? Ako ne znate usmeno odgovoriti onda molim za pismeni odgovor. Pitanja za ministra gospodina Jusku. Prvo pitanje koliko policijski službenika Uprave policije MUP-a Kantona

Sarajevo ispunjava ili je već ispunilo uslove za prekid radnog odnosa po osnovu penzioniranja do kraja godine, dakle koliko će biti u ovoj godini prekinutih radnih odnosa po tom osnovu? Drugo pitanje, koliko policijskih službenika Uprave policije MUP-a Kantona Sarajevo ispunjava uslove za prekid radnog odnosa po osnovu penzionisanja tokom 2021 i 2022 godine? Treće pitanje, koliko je neophodno planirati još policijskih službenika za zapošljavanje tokom 2021 i 2022 godine pored već planiranih 230. molim za usmene odgovore. I jedna inicijativa. Inicijativa za održavanje tematske sjednice Skupštine Kantona Sarajevo o stanju u sportu najdalje za 60 dana. Situacija u sportu je jako teška pogotovo sada poslije korone, molim sve kolegice i kolege zastupnike da podrže inicijativu, pomozimo ministru Alikadiću sportistima, trenerima i sportskim radnicima. Još jednom hvala.”

Zastupnik Elvis Vreto je podnio sljedeće (citiramo): „Jednu inicijativu sam uputio 10.06. u pisanoj formi na osnovu saznanja da JU Djeca Sarajeva traži od Općine Ilidža da plati zemljište u iznosu od 300.000 KM u naselju Pejton a isto je u vlasništvu JU, odnosno Kantona Sarajevo. Shodno tome, kao podrška izgradnji višenamjenskog objekta tražim da se zemljište dodijeli ili da na korištenje ili isto ustupi u vlasništvu opštine Ilidža bez naknade kao vid podrške u izgradnji višenamjenskog objekta u Pejtonu, namijenjenog za dječji vrtić, dnevni centar za djecu sa poteškoćama u razvoju i Centar za zdravo starenje. Opština Ilidža je nosilac aktivnosti izgradnje navedenog objekta i tražim od Vlade da što prije se izjasni i naravno pozitivno prihvati ovu inicijativu.

- Moje prvo pitanje upućujem Ministarstvu za prostorno uređenje i Ministarstvu za komunalnu privredu. Svjestan činjenice da je pandemija promijenila prioritete rada, ali zašto pola godine nemamo informaciju o sanaciji deponije Smiljevići? Podsjećam da smo zaključkom obavezali Vladu i nadležno Ministarstvo da za svaku sjednicu pripremi navedenu informaciju koja će biti jedna od tačaka dnevnog reda do normalizacije stanja na deponiji Smiljevići. Drugo pitanje upućujem Ministarstvu za prostorno uređenje, građenje i zaštitu okoliša i JU Za zaštićena prirodna područja. Koje se aktivnosti poduzimaju na realizaciji stavki u iznosu od 200.000 KM u budžetu za 2020.godinu za projekt uređenja područja Stojčevac? Predsjedavajući ostale inicijative i pitanja i obrazloženja ću poslati u pisanoj formi a i tražim odgovore upisanoj formi, osim ukoliko neko od predstavnika Vlade može dati svježiju informaciju po ovim pitanjima i na osnovu ove inicijative. Hvala vam.”

Zastupnik Dževad Poturak je podnio sljedeće (citiramo): „Za danas sam imao jedno pitanje i inicijativu. Ovo pitanje je već nekoliko puta ponovljeno za ministra kulture i sporta. Ne bih se ponavljao već su kolege to pitale, ali eto čisto zbog javnosti informacija od ministra i šampiona našeg šta očekuje od ovakvih modela finansiranja kulture i sporta. Što se tiče inicijative, mi smo svjedoci da je u proteklom periodu pandemija uradila svoje i potrošilo se mnogo energije na tome da se spriječi širenje. Međutim sa prvim popuštanjem mjera došlo je do evidentnog nepoštivanja mjera koje su na snazi a najviše kada su u pitanju okupljanja u zatvorenom prostoru i nošenje zaštitnih maski. Stoga tražim od inspekcija i od Ministarstva unutrašnjih poslova Kantona Sarajevo da povećaju svoje aktivnosti na kontroli objekata koji rade po danu, noćnih klubova ali isto tako i tržnih centara a sve u cilju sprečavanja širenja pandemije. Zahvaljujem.”

Zastupnica Neira Dizdarević je podnijela sljedeće (citiramo): „Ja za danas imam više zastupničkih pitanja i inicijativa. Pročitat ću samo dva pitanja, na koja bih molila usmeni odgovor. Prvo pitanje je za Ministarstvo za obrazovanje, nauku i mlade Kantona Sarajevo. Zanima me u kojoj je fazi proces pripajanja SOS vrtića JU Djeca Sarajeva, koje je je inicirao SOS Kinderdorf international prije dvije godine u junu 2018 godine? Vlada Kantona Sarajevo je na 155 sjednici održanoj 29.11.2018 donijela zaključak kojim se zadužuje resorno Ministarstvo da u skladu s važećim propisima provede aktivnosti oko ustupanja vrtića koje je

u sastavu SOS dječjeg sela. Prema informacijama koje posjedujem do preuzimanja nije došlo i u slučaju da se ne poduzmu aktivnosti vrtić će se zatvoriti u mjesecu augustu ove godine. Napominjem da se ovaj vrtić nalazi odmah pored vrtića JU Dječji grad naselje Mojnilo za koji uvijek budu veoma velike liste čekanja. Čak prema posljednjem javnom pozivu objavljenom 04.06. u ovom vrtiću uopšte nema mjesta u odgojnoj grupi u petoj godini života. Također koliko sam upoznata SOS vrtić bi Javnoj ustanovi Djeca Sarajeva ustupio objekat i cjelokupan inventar. Pa evo, molim za informaciju šta je poduzeto po ovom pitanju.

I drugo pitanje na koje također molim usmeni odgovor za Ministarstvo komunalne privrede i infrastrukture da me obavijesti zašto do sada Skupština Kantona Sarajevo nije imala priliku razmatrati izvještaj o radu i poslovanju Bags Energotehnika dd Vogošća za 2018 godinu, te kada možemo očekivati da se izvještaj nađe pred zastupnicima u Skupštini Kantona Sarajevo? Toliko. Hvala.”

Predsjedavajući Mirza Čelik je podnio sljedeću zastupničku inicijativu:

„Skupština Kantona Sarajevo traži od Vijeća ministara Bosne i Hercegovine da hitno ili što je moguće prije usvoji Odluku o jedinstvenim minimalnim budžetskim elementima vrijednosti nastavnog časa iz teoretskog i praktičnog dijela osposobljavanja kandidata za vozače, a što je ujedno obaveza i isključiva nadležnost Vijeća Ministara Bosne i Hercegovine shodno odredbi člana 177. stav 13.) Zakona o osnovama bezbjednost na cestama u Bosni i Hercegovini („Službene novine BiH“, broj: 6/06, 75/06, 44/07, 84/09, 48/10, 18/13, 8/17, 89/17 i 9/18).. obrazloženje nemam potrebe da čitam, dobit ćete u pisanoj formi.

Pitanje za ministra kulture i sporta. Da li je bilo kontakata sa Vijećem ministara vezano za finansiranje javnih ustanova od značaja za BIH i također molim ministra Alikadića da usmeno odgovori da li je razmatrao i ukoliko se prenese nadležnost da UO i NO tih institucija budu na način ne plaćanja članovima NO i UO naknade, također bih molio da vodite računa ministre Alikadiću da to budu pravni i ekonomski eksperti kako bi te institucije mogle jednostavno dovesti mjesto gdje i trebaju da pripadaju a to je da budu nešto što je u Kantonu Sarajevo i u BIH prepoznatljivo. Premijeru, članovi Vlade ukoliko ste spremni da odgovarate, a svakako je kolega Dević iz SDA tražio pauzu, poslije odgovora ministar jer pretpostavljam da je pauza tražena zbog izjašnjenja za inicijative. Pa evo ukoliko je Vlada spremna da pristupi da odgovara. Evo pozivam premijer ili nekoga od članova Vlade da daje odgovore. Evo javio se ministar Alikadić ali premijer ima prednost ukoliko premijer. OK. Ministar Alikadić izvolite.”

Odgovore na pitanja zastupnika su dali ministar Kenan Alikadić, ministar Hajrudin Grabovica, ministar Jasmin Halebić, ministar Faruk Kapidžić, ministar Anis Krivić. Nezadovoljstvo usmenim odgovorima imali su zastupnik Damir Nikšić i zastupnica Vildana Bešlija,.

ZASTUPNIK ALJOŠA ČAMPARA JE PREDLOŽIO SLJEDEĆI ZAKLJUČAK:

Skupština Kantona Sarajevo ovim nalaže Vladi Kantona Sarajevo da:

- 1. Uspostavi ekspertnu radnu grupu pod vođstvom Komesara policije Kantona Sarajevo, da razvije novi Zakon o Upravi policije Kantona Sarajevo, kao i ažuriranu verziju Zakona o policijskim službenicima Kantona Sarajevo, te pozove predstavnike međunarodne zajednice da pomognu koliko je potrebno; ROK bi bio 180 dana*
- 2. Uspostavi ekspertnu radnu grupu pod vodstvom Ministra unutrašnjih poslova Kantona Sarajevo da razvije pravne i administrativne mjere neophodne za institucionalno repozicioniranje preostalih obaveza, te za gašenje pravnog karaktera Ministarstva unutrašnjih poslova Kantona Sarajevo, te pozove predstavnike međunarodne zajednice da pruže pomoć koliko je potrebno; ROK 180 dana*

3. *Uspostavi ekspertnu radnu grupu pod vodstvom Premijera Kantona Sarajevo da isplanira pravni, finansijski i administrativni put za izgradnju novog, modernog i adekvatnog sjedišta za Upravu policije Kantona Sarajevo u cilju efikasnijeg pružanja policijskih usluga građanima; ROK 180 dana.*

ZASTUPNICI I ZASTUPNICE SU GLASALI PO INICIJATIVI I NAKON PREBROJAVANJA GLASOVA KONSTATOVANO JE DA JE JEDNOGLASNO (30 „ZA”) USVOJENA INICIJATIVA ZASTUPNIKA ALJOŠE ČAMPARE.

Zatim je razmatrana inicijativa Kluba SDP:

„Skupština Kantona Sarajevo zahtjeva da opštinska vijeća u Kantonu Sarajevo kao i skupštinska nadležna komisija izvrši promjenu naziva ulica i ustanova koje nose ime po ličnostima povezanim sa fašističkim režimom. Ovom inicijativom tražimo da se imena ulica i ustanova u skladu sa gore pomenutim, zamijene nazivima antifašista iz rata 41-45, i antifašista iz rata 92-95.”

ZASTUPNICI I ZASTUPNICE SU GLASALI PO INICIJATIVI I NAKON PREBROJAVANJA GLASOVA KONSTATOVANO JE DA JE 15 ZASTUPNIKA I ZASTUPNICA GLASALO „ZA”, DOK JE „SUZDRŽANIH”BILO 6.

Zastupnik Igor Stojanović je zatražio pojedinačno izjašnavanje pa je Sekretarka Aida Zeković provela pojedinačno izjašnjavanje:

Aljović Hamed SUZDRŽAN

Bešlija Vildana ZA

Bišćević-Tokić Jasmina SUZDRŽANA

Čampara Aljoša ODSUTAN

Čelik Mirza SUZDRŽAN

Ćosović-Hajdarević Samra SUZDRŽANA

Delalić Sabahudin ODSUTAN

Dević Mahir SUZDRŽAN

Dizdarević Neira ZA

Duraković Jasna ZA

Handžić Vibor ZA

Hasagić Amra SUZDRŽANA

Hasanović Senad ZA

Hodžić Admela ZA

Jakupović Vedran dakle po Poslovniku ko je prisutan mora se izjasniti za, protiv ili suzdržan. Odsutan.

Junuzović-Kaljić Amra SUZDRŽANA

Kerla Bibija ODSUTNA

Konaković Elmedin ODSUTNA

Krstić Danijela ODSUTNA

Marić Zvonko ZA

Marjanović Damir ZA

Mekić Amel SUZDRŽAN

Memić Arijana ODSUTNA

Milavica Sead ZA

Nikšić Damir ZA

Okerić Elvedin ODSUTAN

Pecikoza Fahrudin ZA
Pleho Haris SUZDRŽAN
Poturak Dževad ZA
Srna- Bajramović Segmedina ZA
Stojanović Igor ZA
Suljević Samir ZA
Šahman Bilsena ZA
Viteškić Smiljana ODSUTNA
Vreto Elvis ODSUTAN

I NAKON POJEDINAČNOG IZJAŠNJAVANJA KONSTATOVANO JE DA SKUPŠTINA NIJE USVOJILA ZASTUPNIČKU INICIJATIVU UVAŽENOG ZASTUPNIKA STOJANOVIĆA.

Zatim je uslijedilo izjašnjavanje po inicijativi uvaženog zastupnika Marić Zvonka i to:

„Da pristupe izmjeni i dopuni Odluke o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva (”Službene novine Kantona Sarajevo”, broj:24/17 i 19/19) da pristupe izmjeni tačke II stav (1) podtačka s) i t) u smislu da se navedene naknade smanje za 50%. ”

ZASTUPNICI I ZASTUPNICI SU GLASALI I NAKON GLASANJA KONSTATOVANO JE DA JE SKUPŠTINA USVOJILA INICIJATIVU UVAŽENOG ZASTUPNIKA ZVONKE MARIĆA SA 29 GLASOVA „ZA”.

Inicijativa zastupnice Segmedine Srne Bajramović je bila sljedeća za izjašnjavanje:

- 1. Obavezuje se Opština Ilidža da hitno provede sve aktivnosti na izradi i usvajanju provedbeno planske dokumentacije (regulacionog plana i dr.) vezano za izgradnju javne kanalizacione mreže u ulici Hendekuša, MZ Osijek, Opština Ilidža.*
- 2. Obavezuje se Opština Ilidža da do naredne radne sjednice obavijesti Skupštinu Kantona Sarajevo o poduzetom.*

NAKON GLASANJA KONSTATOVANO JE DA JE SKUPŠTINA USVOJILA INICIJATIVU ZASTUPNICE SEGMEDINE SRNE BAJRAMOVIĆ SA 29 GLASOVA „ZA”.

ZATIM SE SKUPŠTINA IZJAŠNJAVALA PO INICIJATIVI ZASTUPNICE BILSENE ŠAHMAN I ISTU JE USVOJILA, JEDNOGLASNO (29 „ZA”):

„Da se udruženju porodica djece i osoba s poteškoćama u razvoju „Dajte nam šansu” uvrsti na budžetsku poziciju od 2021 godine i to kroz Ministarstvo za rad, socijalnu politiku, raseljena lica izbjeglice Kantona Sarajevo.”

Nadalje, uslijedilo je izjašnjavanje po zastupničkoj inicijativi uvažene zastupnice Bešlija Vildane:

„Na osnovu člana 106. Poslovnika Skupštine Kantona Sarajevo (”Službene novine Kantona Sarajevo”- 25/10, 14/11, 19/11, 7/12, 26/12 upućujem sljedeću zastupničku inicijativu za izmjenu Uredbe o organizaciji i načinu naplate parkiranja u Kantonu Sarajevo.”

NAKON GLASANJA KONSTATOVANO JE DA JE SKUPŠTINA USVOJILA INICIJATIVU ZASTUPNICE BEŠLIJA VILDANE SA 29 GLASOVA „ZA”.

SLJEDEĆA ZA IZJAŠNJAVANJE BILA JE INICIJATIVA ZA ODRŽAVANJE TEMATSKE SJEDNICE SKUPŠTINE KANTONA SARAJEVO O STANJU U SPORTU NAJDALJE ZA 60 DANA, PREDLOŽENA OD ZASTUPNIKA AMELA MEKIĆA. NAVEDENA INICIJATIVA JE USVOJENA JEDNOGLASNO SA 30 „ZA”.

I POSLJEDNJA PO REDU ZA IZJAŠNJAVANJE SKUPŠTINE BILA JE INICIJATIVA PREDSEDAVAJUĆEG MIRZE ČELIKA:

„Skupština Kantona Sarajevo traži od Vijeća ministara Bosne i Hercegovine da hitno ili što je moguće prije usvoji Odluku o jedinstvenim minimalnim budžetskim elementima vrijednosti nastavnog časa iz teoretskog i praktičnog dijela osposobljavanja kandidata za vozače, a što je ujedno obaveza i isključiva nadležnost Vijeća Ministara Bosne i Hercegovine shodno odredbi člana 177. stav 13.) Zakona o osnovama bezbjednosti na cestama u Bosni i Hercegovini („Službene novine BiH“, broj: 6/06, 75/06, 44/07, 84/09, 48/10, 18/13, 8/17, 89/17 I 9/18).”

OVA INICIJATIVA JE USVOJENA JEDNOGLASNO SA 30 GLASOVA „ZA”.

AD – 2.

INFORMACIJA O REALIZACIJI MJERA ZA SANACIJU I REORGANIZACIJU KJKP „GRAS“ D.O.O. SARAJEVO, ZA PERIOD 01.01. DO 31.03.2020. GODINE

Materijal su zastupnice i zastupnici dobili uz poziv za sjednicu.

Vršilac dužnosti direktora KJKP GRAS Jakub Kubur je podnio uvodne napomene po ovoj Informaciji.

Pitanja i raspravu po ovoj tački dnevnog reda imali su zastupnica Admela Hodžić, zastupnik Hamed Aljović, zastupnik Zvonko Marić i zastupnik Aljoša Čampara. Dok su odgovore na pitanja zastupnika dali v.d. direktor KJKP GRAS Jakub Kubur i ministar Adi Kalem.

NAKON ISCRPLJENE LISTE PRIJAVLJENIH ZA DISKUSIJU PREDSEDAVAJUĆI JE KONSTATOVAO DA JE SKUPŠTINA PRIMILA K ZNANJU OVU INFORMACIJU.

AD – 3.

INFORMACIJA O ZAŠTITI ZRAKA U KANTONU SARAJEVO

Materijal su zastupnice i zastupnici dobili u dopunskom materijalu.

Ministar prostornog uređenja, građenja i zaštite okoliša Faruk Kapidžić je podnio uvodne napomene po ovoj Informaciji.

Pitanja i diskusiju po Informaciji o zaštiti zraka u Kantonu Sarajevo imali su zastupnik Igor Stojanović, zastupnica Jasna Duraković, zastupnica Neira Dizdarević i zastupnica Vildana Bešlija. Nakon iscrpljene liste prijavljenih, predsjedavajući je konstatovao da je ova Informacija primljena k znanju.

Po ovoj tački dnevnog reda zastupnica Neira Dizdarević je podnijela zaključke za koje je

tražila izjašnjenje Skupštine:

- 1. Obavezuju se svi subjekti zaduženi za primjenu Plana interventnih mjera u slučajevima prekomjerne zagađenosti zraka ("Službene novine Kantona Sarajevo" broj 44/19) da HITNO dostave zbirnu informaciju Ministarstvu prostornog uređenja, građenja i zaštite okoliša o poduzetim mjerama tokom trajanja epizode povećanih koncentracija zagađujućih materija u zraku koje su bili dužni dostaviti do 15.03.2020. godine.*
- 2. Obavezuje se Vlada Kantona Sarajevo, Ministarstvo prostornog uređenja, građenja i zaštite okoliša, te ostala resorna ministarstva da ukoliko postoje kotlovnice-postrojenja za zagrijavanje koje koriste ugalj, a nalaze se u zgradama koje su vlasništvo Kantona Sarajevo ili općina na području Kantona Sarajevo da poduzmu sve potrebne radnje kako bi se izvršila promjena energenta pomoću kojeg se vrši zagrijavanje.*
- 3. Obavezuje se Vlada KS i Ministarstvo prostornog uređenja i građenja da do naredne redovne radne sjednice Skupštini Kantona Sarajevo dostave informaciju o provedbi ovog zaključka*

SKUPŠTINA JE USVOJILA ZAKLJUČKE NEIRE DIZDAREVIĆ KAKO SU I PREDLOŽENI, JEDNOGLASNO SA 21 GLASOVA „ZA”.

NAKON REALIZACIJE OVE TAČKE DNEVNOG REDA ZASTUPNICE I ZASTUPNICI SU GLASALI O PAUZI U TRAJANJU OD SAT VREMENA I ISTA JE USVOJENA JEDNOGLASNO (24 „ZA”).

NASTAVAK NAKON PAUZE U 15,45.

AD – 4.

PRIJEDLOG ZAKONA O IZMJENI I DOPUNAMA ZAKONA O INSPEKCIJAMA KANTONA SARAJEVO

Materijal su zastupnice i zastupnici dobili uz poziv za sjednicu.

Po Prijedlogu zakona o izmjeni i dopunama Zakona o inspekcijama ministrica pravde i uprave Mersa Kustura je podnijela uvodne napomene, a nakon njenog izlaganja otvoren je prostor za pitanja i diskusiju.

Pitanja po Prijedlogu zakona o izmjeni i dopunama Zakona o inspekcijama postavili su zastupnica Segmedina Srna Bajramović zastupnik Elvedin Okerić zastupnik Damir Nikšić, zastupnica Vildana Bešlija i zastupnik Igor Stojanović. Odgovore je dala ministrica pravde i uprave Mersa Kustura i oni su sadržani u stenogramu ove sjednice.

Nakon obraćanja ministrice otvorena je diskusija i u njoj su učestvovali sljedeći zastupnici: Igor Stojanović, Zvonko Marić, Mahir Dević i Damir Nikšić.

NAKON ZAKLJUČENE RASPRAVE, PREDSJEDAVAJUĆI JE POZVAO ZASTUPNIKE I ZASTUPNICE DA SE IZJASNE O PRIJEDLOGU ZAKONA O IZMJENI I DOPUNAMA ZAKONA O INSPEKCIJAMA KANTONA SARAJEVO.

NAKON GLASANJA KONSTATOVANO JE DA SKUPŠTINA NIJE DONIJELA OVAJ ZAKON.

**IZAŽENA JE SUMNJA GLASANJE OD STRANE ZASTUPNIKA MAHIRA DEVIĆA
PA JE USLIJEDILO POJEDINAČNO IZJAŠNJAVANJE KOJE JE PROVELA
SEKRETARKA SKUPŠTINE AIDA ZEKOVIĆ.**

Zastupnici i zastupnice su glasali kako slijedi:

Aljović Hamed ZA
Bešlija Vildana SUZDRŽANA
Bišćević-Tokić Jasmina ZA
Čampara Aljoša ZA
Čelik Mirza ZA
Ćosović-Hajdarević Samra ZA
Delalić Sabahudin ODSUTAN
Dević Mahir ZA
Dizdarević Neira SUZDRŽANA
Duraković Jasna SUZDRŽANA
Handžić Vibor SUZDRŽAN
Hasagić Amra ZA
Hasanović Senad ZA
Hodžić Admela ZA
Jakupović Vedran SUZDRŽAN
Junuzović-Kaljić Amra SUZDRŽANA
Kerla Bibija ODSUTNA
Konaković Elmedin ODSUTAN
Krstić Danijela SUZDRŽANA
Marić Zvonko ZA
Marjanović Damir ODSUTAN
Mekić Amel SUZDRŽAN
Memić Arijana SUZDRŽANA
Milavica Sead ZA
Nikšić Damir ZA
Okerić Elvedin SUZDRŽAN
Pecikoza Fahrudin ZA
Pleho Haris ZA
Poturak Dževad ZA
Srna- Bajramović Segmedina SUZDRŽANA
Stojanović Igor SUZDRŽAN
Suljević Samir SUZDRŽAN
Šahman Bilsena ZA
Viteškić Smiljana ZA
Vreto Elvis SUZDRŽAN

**NAKON POJEDINAČNOG IZJAŠNJAVANJA „ZA” JE GLASALO 17 ZASTUPNIKA,
I UZDRŽANIH JE BILO 14, PA JE KONSTATOVANO DA SKUPŠTINA NIJE
DONIJELA PRIJEDLOG ZAKONA O IZMJENI I DOPUNAMA ZAKONA O
INSPEKCIJAMA KANTONA SARAJEVO.**

AD – 5.

PRIJEDLOG ODLUKE O PROGLAŠENJU 5.FEBRUARA "DANOM SJEĆANJA NA SVE UBIJENE I RANJENE GRAĐANE GRADA SARAJEVA OD AGRESORA U PERIODU OPSADE 1992.-1995. GODINE"

Materijal su zastupnice i zastupnici dobili u dopunskom materijalu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSJEDAVAJUĆI POZVAO NA IZJAŠNJAVANJE O PRIJEDLOGU ODLUKE O PROGLAŠENJU 5.FEBRUARA "DANOM SJEĆANJA NA SVE UBIJENE I RANJENE GRAĐANE GRADA SARAJEVA OD AGRESORA U PERIODU OPSADE 1992.-1995. GODINE".

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA OVU ODLUKU.

AD – 6.

PRIJEDLOG ODLUKE O RAZRJEŠENJU DUŽNOSTI ZAMJENIKA PRAVOBRANIOCA PRAVOBRANILAŠTVA KANTONA SARAJEVO

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSJEDAVAJUĆI POZVAO NA IZJAŠNJAVANJE O PRIJEDLOGU ODLUKE O RAZRJEŠENJU DUŽNOSTI ZAMJENIKA PRAVOBRANIOCA PRAVOBRANILAŠTVA KANTONA SARAJEVO BRLJAJOLI SUADA.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA ODLUKU O RAZRJEŠENJU DUŽNOSTI ZAMJENIKA PRAVOBRANIOCA PRAVOBRANILAŠTVA KANTONA SARAJEVO.

AD – 7.

PRIJEDLOG ODLUKE O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT ENERGETSKE EFIKASNOSTI U JAVNIM ZGRADAMA SARAJEVO

PREMIJER MARIO NENADIĆ JE POVUKAO OVU TAČKU SA DNEVNOG REDA.

AD – 8.

PRIJEDLOG ODLUKE O DAVANJU SAGLASNOSTI ZA POTPISIVANJE UGOVORA O ZAMJENI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ (SLOBODAN

PANTIĆ)

Materijal su zastupnice i zastupnici dobili uz poziv za sjednicu.

Direktor Zavod za izgradnju Kantona Sarajevo Mirza Hulusić je podnio uvodne napomene a nakon njegovog izlaganja za riječ se prijavila Segmedina Srna Bajramović.

S OBZIROM DA NIJE BILO PRIJAVLJENIH ZA DISKUSIJU, PREDSEDAVAJUĆI JE POZVAO ZASTUPNIKE I ZASTUPNICE DA SE IZJASNE O O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O ZAMJENI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA – BARE - HOTONJ (SLOBODAN PANTIĆ).

NAKON GLASANJA KONSTATOVANO JE DA JE SKUPŠTINA SA 23 „ZA”, I 5 „SUZDRŽANIH” DONIJELA OVU ODLUKU.

AD – 9.

PRIJEDLOG ODLUKE O DAVANJU SAGLASNOSTI ZA POTPISIVANJE UGOVORA O ZAMJENI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ (JOSIP LUŽAIĆ)

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O ZAMJENI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA – BARE - HOTONJ (JOSIP LUŽAIĆ).

NAKON GLASANJA KONSTATOVANO JE DA JE SKUPŠTINA SA 23 „ZA”, I 5 „SUZDRŽANIH” DONIJELA OVU ODLUKU.

AD – 10.

ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ (DŽEMAILI NARCIS)

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI ZA

POTPISIVANJE UGOVORA O ZAMJENI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA – BARE - HOTONJ (DŽEMAILI NARCIS).

NAKON GLASANJA KONSTATOVANO JE DA JE SKUPŠTINA SA 23 „ZA”, I 5 „SUZDRŽANIH” DONIJELA OVU ODLUKU.

AD – 11.

PRIJEDLOG ODLUKE O DAVANJU SAGLASNOSTI ZA POTPISIVANJE UGOVORA O ZAMJENI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ (VESELKA BUNJEVAC)

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O ZAMJENI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA – BARE - HOTONJ (VESELKA BUNJEVAC).

NAKON GLASANJA KONSTATOVANO JE DA JE SKUPŠTINA SA 25 „ZA”, I 5 „SUZDRŽANIH” DONIJELA OVU ODLUKU.

AD – 12.

PRIJEDLOG ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH IZMEĐU BAJRIĆ ALIJE SA JEDNE I KANTON SARAJEVO KOJE ZASTUPA MINISTARSTVO SAOBRAĆAJA – DIREKCIJA ZA PUTEVE I ZAVOD ZA IZGRADNJU KANTONA SARAJEVO SA DRUGE STRANE U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ

Materijal su zastupnice i zastupnici dobili u dopunskom materijalu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA U SKLADU SA ČLANOM 23. ZAKONA O EKSPROPRIJACIJI FBIH IZMEĐU BAJRIĆ ALIJE SA JEDNE I KANTON SARAJEVO KOJE ZASTUPA MINISTARSTVO SAOBRAĆAJA – DIREKCIJA ZA PUTEVE I ZAVOD ZA IZGRADNJU KANTONA SARAJEVO SA DRUGE STRANE U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ.

NAKON GLASANJA KONSTATOVANO JE DA JE SKUPŠTINA SA 25 „ZA”, I 5 „SUZDRŽANIH” DONIJELA OVU ODLUKU.

AD – 13.

PRIJEDLOG ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA IZMEĐU KANTON SARAJEVO, MINISTARSTVO SAOBRAĆAJA - DIREKCIJA ZA PUTEVE I ZAVOD ZA IZGRADNJU KANTONA SARAJEVO KAO KUPCA NA JEDNOJ STRANI I BAJRIĆ ALIJE, BAJRIĆ SENADA I ČOLAKOVIĆ ENISE KAO PRODAVACA NA DRUGOJ STRANI U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ

Materijal su zastupnice i zastupnici dobili u dopunskom materijalu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA IZMEĐU KANTON SARAJEVO, MINISTARSTVO SAOBRAĆAJA - DIREKCIJA ZA PUTEVE I ZAVOD ZA IZGRADNJU KANTONA SARAJEVO KAO KUPCA NA JEDNOJ STRANI I BAJRIĆ ALIJE, BAJRIĆ SENADA I ČOLAKOVIĆ ENISE KAO PRODAVACA NA DRUGOJ STRANI U SKLADU SA ČLANOM 23. ZAKONA O EKSPROPRIJACIJI FBIH U SVRHU IZGRADNJE SAOBRAĆAJNICE I TRANSVERZALE, DIONICA KRANJČEVIĆEVA-BARE-HOTONJ.

NAKON GLASANJA KONSTATOVANO JE DA JE SKUPŠTINA SA 25 „ZA”, I 5 „SUZDRŽANIH” DONIJELA OVU ODLUKU.

AD – 14.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU “O-1”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (SAMIR HALILOVIĆ)

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU “O-1”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (SAMIR HALILOVIĆ).

NAKON GLASANJA KONSTATOVANO JE DA JE SKUPŠTINA SA 30 „ZA” DONIJELA OVU ODLUKU.

AD – 15.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENO – POSLOVNOM OBJEKTU “O-2”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (NAZIF HASANOVIĆ)

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU “O-1”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (NAZIF HASANOVIĆ).

NAKON GLASANJA KONSTATOVANO JE DA JE SKUPŠTINA SA 30 „ZA” DONIJELA OVU ODLUKU.

AD – 16.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU “3B”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (EJUB ČANČAR)

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU “3B”, IZGRAĐENOM U NASELJU ROSULJE, OPĆINA VOGOŠĆA, SARAJEVO, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (EJUB ČANČAR).

NAKON GLASANJA KONSTATOVANO JE DA JE SKUPŠTINA SA 30 „ZA” DONIJELA OVU ODLUKU.

AD – 17.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (SLAVICA SEJDIĆ)

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSJEDAVAJUĆI POZVAO NA IZJAŠNJAVANJE O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI U STAMBENOM OBJEKTU 3C, IZGRAĐENOM U NASELJU ROSULJE, OPĆINA VOGOŠĆA, KOJI ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCEM NEKRETNINE (SLAVICA SEJDIĆ).

NAKON GLASANJA KONSTATOVANO JE DA JE SKUPŠTINA SA 30 „ZA” DONIJELA OVU ODLUKU.

AD – 18.

PRIJEDLOG ODLUKE O DAVANJU SAGLASNOSTI NA NACRT UGOVORA O KUPOPRODAJI, ZA KUPOVINU:

- **građevinske parcele koja se nalazi u naselju Šip, općina Centar Sarajevo, označena kao k.č. 375/40 K.O. Koševo, s.p. površine 281 m², upisanoj u zk.ul.br. 12282, iste K.O., (što odgovara par.br. 650/20 K.O. Sarajevo VI, kat.stanje, upisanoj u PL/KKU 568 iste K.O.) i**
- **građevinske parcele koja se nalazi u naselju Šip, općina Centar Sarajevo, označena kao k.č. 545/10 K.O. Koševo, s.p. površine 1.903 m², upisanoj u zk.ul.br. 12291, iste K.O., (što odgovara par.br. 650/8 K.O. Sarajevo VI, kat.stanje, upisanoj u PL/KKU 568 iste K.O.), koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe zaključiti sa Prodavcem – Bosna i Hercegovina, Federacija Bosne i Hercegovine, Kanton Sarajevo, Općina Centar, ulica Mis Irbina broj 1.**

Materijal su zastupnice i zastupnici dobili uz poziv za sjednicu.

PO OVOJ TAČKI DNEVNOG REDA NIJE BILO UVODNIH NAPOMENA NITI PRIJAVLJENIH ZA DISKUSIJU PA JE PREDSJEDAVAJUĆI POZVAO NA

IZJAŠNJAVANJE O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI, ZA KUPOVINU DVIJE NAVEDENE GRAĐEVINSKE PARCELE.

NAKON GLASANJA KONSTATOVANO JE DA JE SKUPŠTINA SA 30 „ZA” DONIJELA OVU ODLUKU.

AD - 19.

IZVJEŠTAJ O RADU VLADE KANTONA SARAJEVO ZA PERIOD OD 01.01. DO 31.12.2019. GODINE

Izvještaj su zastupnice i zastupnici dobili uz poziv za sjednicu.

Po ovom Izvještaju nije bilo uvodnih napomena pa je odmah otvorena diskusija i u njoj su učestvovali zastupnica Amra Hasagić, zastupnica Vildana Bešlija, zastupnik Igor Stojanović, zastupnik Samir Suljević, dopredsjedavajući Vibor Handžić, zastupnik Damir Nikšić, zastupnik Mahir Dević i Neira Dizdarević.

NAKON ZAKLJUČENE RASPRAVE PREDSJEDAVAJUĆI JE POZVAO ZASTUPNICE I ZASTUPNIKE DA PRISTUPE IZJAŠNJAVANJU O IZVJEŠTAJU O RADU VLADE KANTONA SARAJEVO ZA PERIOD OD 01.01. DO 31.12.2019. GODINE I NAKON GLASANJA KONSTATOVANO JE DA SKUPŠTINA NIJE USVOJILA OVAJ IZVJEŠTAJ.

Sekretar Aida Zeković je provela pojedinačno izjašnjavanje, zastupnici su se izjasnili kako slijedi:

Aljović Hamed PROTIV
Bešlija Vildana ZA
Bišćević-Tokić Jasmina PROTIV
Čampara Aljoša PROTIV
Čelik Mirza PROTIV
Ćosović-Hajdarević Samra PROTIV
Delalić Sabahudin ODSUTAN
Dević Mahir PROTIV
Dizdarević Neira ZA
Duraković Jasna ZA
Handžić Vibor ZA
Hasagić Amra PROTIV
Hasanović Senad SUZDRŽAN
Hodžić Admela PROTIV
Jakupović Vedran ZA
Junuzović-Kaljić Amra ZA
Kerla Bibija ODSUTNA
Konaković Elmedin ODSUTAN
Krstić Danijela ZA
Marić Zvonko ZA
Marjanović Damir ODSUTAN
Mekić Amel ZA
Memić Arijana ZA

Milavica Sead SUZDRŽAN
Nikšić Damir ZA
Okerić Elvedin ODSUTAN
Pecikoza Fahrudin PROTIV
Pleho Haris PROTIV
Poturak Dževad ODSUTAN
Srna- Bajramović Segmedina ZA
Stojanović Igor ZA
Suljević Samir ZA
Šahman Bilsena SUZDRŽANA
Viteškić Smiljana PROTIV
Vreto Elvis ZA

NAKON POJEDINAČNOG IZJAŠNJAVANJA PREDSEDAVAJUĆI JE KONSTATOVAO DA SKUPŠTINA NIJE USVOJILA („ZA” 15, „PROTIV” 11 i 3 „SUZDRŽANA”) OVAJ IZVJEŠTAJ.

AD – 20.

IZVJEŠTAJ O IZVRŠAVANJU BUDŽETA KANTONA SARAJEVO ZA PERIOD OD 01.01. DO 31.12.2019. GODINE

Izvještaj su zastupnice i zastupnici dobili uz poziv za sjednicu, a jedini diskutant po ovom Izvještaju je bila zastupnica Samra Ćosović-Hajdarević.

S OBZIROM DA NIJE BILO PRIJAVLJENIH ZA PITANJA I DISKUSIJU, ZASTUPNICE I ZASTUPNICI SU SE IZJASNILI PO IZVJEŠTAJU O IZVRŠAVANJU BUDŽETA KANTONA SARAJEVO ZA PERIOD OD 01.01. DO 31.12.2019. GODINE, A NAKON GLASANJA KONSTATOVANO JE DA SKUPŠTINA NIJE USVOJILA (13 „ZA”, 7 „PROTIV” I 2 „SUZDRŽANA”) OVAJ IZVJEŠTAJ.

AD – 21.

IZVJEŠTAJ O RADU PRAVOBRANILAŠTVA KANTONA SARAJEVO ZA 2019. GODINU

Izvještaj su zastupnice i zastupnici dobili uz poziv za sjednicu.

Pravobranilac Kemal Karić je podnio uvodne napomene po Izvještaju o radu Pravobranilaštva za 2019. godinu i nakon njegovog izlaganja jedina diskutantica je bila zastupnica Bišćević-Tokić Jasmina.

S OBZIROM DA NIJE BILO PRIJAVLJENIH ZA DISKUSIJU, PREDSEDAVAJUĆI JE POZVAO ZASTUPNICE I ZASTUPNIKE DA PRISTUPE IZJAŠNJAVANJU O IZVJEŠTAJU O RADU PRAVOBRANILAŠTVA KANTONA SARAJEVO ZA 2019. GODINU.

NAKON GLASANJA KONSTATOVANO JE DA JE SKUPŠTINA USVOJILA OVAJ IZVJEŠTAJ JEDNOGLASNO (22 „ZA”).

AD – 22.

IZVJEŠTAJ O POSLOVANJU KJKP „GRAS“ D.O.O. SARAJEVO ZA 2018. GODINU

Izvještaj su zastupnice i zastupnici dobili uz poziv za sjednicu.

Uvodnih napomena po ovom Izvještaju nije bilo, a zastupnik Hamed Aljović, zastupnica Admela Hodžić i dopredsjedavajući V izbor Handžić su bili jedini diskutanti po ovoj tački dnevnog reda.

Odgovore na pitanja dao je v.d. direktor Gras Jakub Kubur.

PREDSJEDAVAJUĆI JE POZVAO ZASTUPNICE I ZASTUPNIKE DA PRISTUPE IZJAŠNJAVANJU O IZVJEŠTAJU O POSLOVANJU KJKP „GRAS“ D.O.O. SARAJEVO ZA 2018. GODINU I NAKON GLASANJA KONSTATOVANO JE DA SKUPŠTINA NIJE USVOJILA (2 „ZA”,9 „PROTIV” I 10 „SUZDRŽANIH”) OVAJ IZVJEŠTAJ.

AD – 23.

IZVJEŠTAJ O RADU I FINANSIJSKOM POSLOVANJU, NA KOJI JE PRETHODNO DATO MIŠLJENJE OVLAŠTENOG REVIZORA, KANTONALNOG STAMBENOG FONDA SARAJEVO ZA 2019. GODINU

Izvještaj su zastupnice i zastupnici dobili uz poziv za sjednicu.

Direktorica Kantonalnog stambenog fonda Belma Barlov je podnijela uvodne napomene po ovom Izvještaju, do su diskutanti bili zastupnik Damir Nikšić, zastupnica Jasmina Bišćević-Tokić, zastupnik Mahir Dević i zastupnica Vildana Bešlija.

PREDSJEDAVAJUĆI JE POZVAO ZASTUPNICE I ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU, NA KOJI JE PRETHODNO DATO MIŠLJENJE OVLAŠTENOG REVIZORA, KANTONALNOG STAMBENOG FONDA SARAJEVO ZA 2019. GODINU SKUPŠTINA NIJE USVOJILA OVAJ IZVJEŠTAJ SA 13 GLASOVA „ZA” I „SUZDRŽANIH” 6.

AD – 24.

IZVJEŠTAJ O RADU ZA 2019. GODINU I IZVJEŠTAJ O FINANSIJSKOM POSLOVANJU ZA PERIOD 01.01.-31.12.2019. GODINE JAVNE USTANOVE “FOND MEMORIJALA KANTONA SARAJEVO”

Izvještaj su zastupnice i zastupnici dobili uz poziv za sjednicu.

S OBZIROM DA NIJE BILO PRIJAVLJENIH ZA PITANJA I DISKUSIJU PREDSJEDAVAJUĆI JE POZVAO ZASTUPNICE I ZASTUPNIKE DA PRISTUPE IZJAŠNJAVANJU O IZVJEŠTAJU O RADU ZA 2019. GODINU I IZVJEŠTAJ O FINANSIJSKOM POSLOVANJU ZA PERIOD 01.01.-31.12.2019. GODINE JAVNE USTANOVE “FOND MEMORIJALA KANTONA SARAJEVO”.

KONSTATUJEM DA JE SKUPŠTINA USVOJILA/NIJE USVOJILA OVAJ IZVJEŠTAJ.

AD – 25.

IZVJEŠTAJ O RADU KANTONALNE UPRAVE ZA INSPEKCIJSKE POSLOVE KANTONA SARAJEVO ZA 2019. GODINU

Izvještaj su zastupnice i zastupnici dobili uz poziv za sjednicu, a Izvještaj je premije Mario Nenadić povukao sa dnevnog reda.

AD – 26.

IZVJEŠTAJ O IZVRŠENJU SANKCIJA U KANTONU SARAJEVO ZA 2019. GODINU

Izvještaj su zastupnice i zastupnici dobili uz poziv za sjednicu.

Ministrica pravde i uprave Mersa Kustura je podnijela uvodne napomene po ovom Izvještaju, a jedini diskutant je bila zastupnica Neira Dizdarević.

PREDSJEDAVALA JE POZVAO ZASTUPNICE I ZASTUPNIKE DA PRISTUPE IZJAŠNJAVANJU O IZVJEŠTAJU O IZVRŠENJU SANKCIJA U KANTONU SARAJEVO ZA 2019. GODINU I NAKON GLASANJA KONSTATOVANO JE DA SKUPŠTINA NIJE USVOJILA OVAJ IZVJEŠTAJ SA 13 GLASOVA „ZA” I 4 „SUZDRŽANA”.

AD – 27.

INFORMACIJA O REALIZACIJI PLANA POVRATKA U I IZ KANTONA SARAJEVO ZA PERIOD 01.01.-31.12.2019. GODINE, SA OSVRTOM NA PROBLEMATIKU OBEZBJEĐENJA ALTERNATIVNOG -PRIVREMENOG SMJEŠTAJA I PLAN POVRATKA U I IZ KANTONA SARAJEVO ZA 2020. GODINU

Informaciju su zastupnice i zastupnici dobili uz poziv za sjednicu.

PRIJAVLJENIH ZA PITANJA I DISKUSIJU NIJE BILO PA JE PREDSEDAVAJUĆI KONSTATOVAO DA JE SKUPŠTINA PRIMILA K ZNANJU OVU INFORMACIJU.

S obzirom da su iscrpljene sve tačke današnje sjednice, predsjedavajući Mirza Čelik je zaključio rad na 26. Radnoj sjednici Skupštine Kantona Sarajevo.

Zapisnik izradila:
Jasminka Deliahmetović

SEKRETAR
SKUPŠTINE KANTONA SARAJEVO

Aida Zeković, dipl. pravnik

PREDSJEDAVAJUĆI
SKUPŠTINE KANTONA SARAJEVO

Dr. Mirza Čelik

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.